

EHAPARI YORERA
YA YESU KRISTU
ELEPIWE NI

YOHANI

MUPUWELO A ELIVRO YA YOHANI

Yohani, olempe ehapar'ila, ti mmosá a atthu ale anli yapa-jenye omutthara Yesu (nwehé Mar. 1:19) ame awe yari Zebedeu (nwehé Mat. 27:56 ni Mar. 15:40). Ntoko mulupale awe, Yakobo, ahihaniwa ni Yesu wira akhale murummw'awe (nwehé Mat. 10:2).

Yohani ti mwixutti yole Yesu amphentexawe, akhanle vakhiviru va mwikimanyo vakhomeliwawe Yesu, yowo Yesu amuhimenryawe wira àsuke ame awe (nwehé Yoh. 19:26-27).

Ehapari Yorera ya Yohani ennithonyerya wira Yesu ti Nulumo Nohimala na Muluku, nisirale mutthu ntoko hiyo, khuhala ni hiyo. Ehapar'ila elepiwe wira ale ansoma yaminiki wira Yesu ti Mòpoli òlaiheriwa ni ti Mwana a Muluku, ni wira, emwaminiki Yesu ewe-ryeke ophwanya ekumi.

Vottharelana, Yohani onnòniherya mirirya sikina sinthonyerya wira Yesu ti Mopoli òlaiheriwa ni ti Mwana a Muluku. Miririya iya sinnithariwa ni molumo antaphulela itthu sowipitheya mwa miririya iyo. Epante ela ya elívuru ennihimerya enamuna atthu akina yamwaminnyaya Yesu, yikhalihaka awixutti awe. Vano attthu akina khiyàmwaminni Yesu, khumukhotta.

Vottharelana, Yohani onnitthokihha enamuna Yesu apatthanal-yawe vanjene n'awixutti awe ohiy'ule wavariwawe, ni molumo aphavelanawe walipiha murima, ahalaka vakhani okhomeliwa.

Yohani oninnuwiha vanjene yovaha ya ekumi ehnimala, enva-hiwahu ni Kristu. Yovaha ela enipajerya nanano, annivahiwa atthu othene animwamini Yesu wira ti ephiro ni ekekhai ni ekumi.

Etthu ekina yulupale ya Yohani ti othonyerya itthu sa vathí ntoko malikanyiho a ikekhai sa Muluku: ntoko màsi ni ephau ni warya, makampusi n'ipwittipwitthi sawe, mwiri wa evidera ni mihogorokho say'a.

Okawanyeya

Molumo òpjerya (1:1-18); Yohani Mbatiza n'Awixutti òpjerya a Yesu (1:19-51); Miteko sa Yesu (2:1-12:50); Mahiku òkiserya o Yerusalem (13:1-17:26); Ohawa ni okhwa wa Yesu (18:1-19:42); Ohiimuwa ni okhumelela (20:1-21:25).

Ehapari Yorera Ya Yesu Kristu Elepiwe Ni

YOHANI

Nsu na Muluku nihipaka mutthu

1 Olumwenku ohinatthi opattuxiwa, Nsu nira nikhanlene. Nsu nlo nari ni Muluku: Nsu nenlo Muluku. ²Vano, wopajeryani, Nsu nari wa Muluku. ³Ni Nsu nenlo, Muluku t'opattuxannyawe itthu sothene; itthu sothene sipaytuxiwe, khivo ehipattuxiwe ni Nenlo. ⁴Nsu nenlo nari mwaneke ekumi: ekumi eyo yari warya w'atthu. ⁵Warya iwo onimwalela mweipiwhini: vano ipiphi sihojela ottipiha.

⁶Ahikhumelela mulopwana arumiwe ni Muluku; nsina na-we Yohani. ⁷Owo arwenle okhala namona, eyo t'iyo: arwenle walalèrya atthu warya iwo, wira atthu othene, emwiwaka, yamini. ⁸Yohani uwo khahiyó ari warya: owo arwenle walalèrya atthu warya iwo. ⁹Nsu nari warya wa ekekhai, onamwalela atthu othene. Nsu nlo nahanle orwa molumwenkuni.

¹⁰Nsu nari molumwenkuni:

ni Nsu nenlo, Muluku t'opattuxannyawe olumwenku. Vano atthu a olumwenkuni-mukhiyásuwenle Nsu. ¹¹Nsu narwenle awaya: vano atthu aya yahikhotta Nsu nlo. ¹²Vano, àkhala akina àkhenle Nsu nlo: othene awo, Nsu nahavaha owerya w'okhala ana a Muluku. Ale ti yawo anamini Nsu: ¹³yawo ahiyariwe n'iphome, nnákhala otthuna w'eruttu, nnákhala otthuna wa mutthu: ayariwe ni Muluku.

¹⁴Nsu nihipaka mutthu ntoko hiyo, khukhala ni hiyo. Hiyo nihona ovuwa wawe, ovuwa onimurwela w'Atithi mana owo ti Mwan'aya mmosaru, ò sareya, eparakha ni ekekhai. ¹⁵Yohani ahimulaleya yowo, vakhuwenlyawe wira: – Ola ti yole miyo kamuhimyaka wira: “Owo onimorwa ott-huli waka: vano owo ti mulupale okivikana miyo, okhala wira ira okhanlene, miyo kihinatthi oyariwa”.

¹⁶Othene hiyo nakhenle mahala sorera sawe, sinjene

ni sulupale, okhala wira owo ti mwanene eparakha.¹⁷ Ikanono nivahiwé ni Moisesi: vano, eparakha n'ikekhai erwiyé ni Moisesi: vano, eparakha n'ikekhai erwiyé ni Yesu Kristu.¹⁸ Khavo omonne Muluku. Mwana mmosene, yowo ori-tho Muluku, yowo onikhala n'Atithi, t'onisuwelinhé Muluku.

Olaleya wa Yohani Mbatiza

(Nwehé-tho Mat. 3:1-12;
Mar. 1:1-8; Luk. 3:1-18)

¹⁹ AYuda a oYerusalemu yaharuma alipa a mukuttho n'a Levi akina orowa omukoha Yohani wira: – Nyuwo mwà pani? Yohani ahavaha oxahiti awe amuhimyaka Kristu.²⁰ Owo kharunne walá khonthe: oholo w'atthu othene ahakhula wira: – Miyo nkihiyó Kristu!²¹ Khukohiwa wira: – Vano, mwà pani? Mwà Eliya? Khwakhula wira: – Nnari: nkihiyó Eliya. Khukohiwa-tho wira: – Nyuwo mwà profeta onihimmwa? Khwakhula wira: – Hoye!²² Vano atthu ale ya-

himwirela wira: – Nanso, nyuwo mwà pani? Nawakhule exeni ale anirumme? Nyuwo mwanene munisirela pani?²³ Yohani ahakhula, iraka: – Miyo ka nsu nawe ole onikhuwela mothakoni, wira: "Okololani ephiro y'Apwiya". Ti sisso sihimmyawe profeta Yesaya.

²⁴ Mw'atthu ale yarummwe omukoha Yohani, akinaku yari aFarisi.²⁵ Awo yahimukoha wira: – Nanso, munabatizelani atthu, muhikhanle Kristu, wálá Eliya, nnákhala Profeta owo? ²⁶ Yohani ahiwakhula, iraka: – Miyo kinabatiza ni màsi: vano eriyari anyu òkhala vo mukina muhinimusuwelanu.²⁷ Owo onrwa ottuli waka: nto miyo nkiniphwanela ota-phula mikhoyi sa ixapattho sawe.

²⁸ Itthu iya sireiye o Betania, okhopela wa muró Yordani, weiwo Yohani abatizawe-wo.

Yesu ti Mwapwittipwitthi a Muluku

²⁹ Mmeloni mwaya, Yohani ahimona Yesu arwaka okumaná ni yowo, khwahimerya

atthu wira. – Nkamoneni: ola Mwapwittipwitthi a Muluku, ontti piha yottheka y'elapo. ³⁰Ola ti yole miyo kamuhimyaka, iraka: “Ottuli waka onimorwa mulopwana òkivikana miyo, mana owo anikhala miyo kihinatthi okhala”. ³¹Yomi ene nkamusuwela: vano kihorwa obatiza ni màsi, wira yowo oniheriwe w'atthu a lsarayeli.

³²Yohani ahimukhalela Yesu onamona, iraka: – Miyo kihona Eroho ya Muluku ekhuruwaka wirimu ntoko epomba, khwemela vasulu vawe. ³³Yomi ene nkamusuwela: vano Muluku a, yowo okirumme obatiza, t'ukilènle wira: “Nyuvwo munimona Eroho emukhuruwelaka muthu, yemelaka vasulu vawe: mutth'uwó t'ale onrowa wabatiza atthu n'Iroho Yowarya”.

Awixutti òpajerya a Yesu

³⁵Mmeloni mwaya, Yohani ari-tho vavale, vamosá n'awixutti awe anli. ³⁶Vamonnawaye Yesu aviraka, ahimyawa: – Nkamoneni: ole Mwapwittipwitti a Muluku. ³⁷Awí-

xutti ale anli, vaiwalyaya sisso, yahimutthara Yesu. ³⁸Yesu, arukunuwaka, ahiwona emuttharaka, khwakoha wi-ra:– Muniphavela-ni? Awo yahakhula, wira: – Rabbi, munikhala vai? (Rabbí onihimyawa Mwixuttihi). ³⁹Yesu ahiwrela: – Murweke, mone. Awo yahirowa, khuweha nipuro nakhalawe, khukhala ni yowo nihiku nenlo. Nari nsuwa notthekuwa.

⁴⁰Andreya, munn'awe Simoni Pedru, ari mmosá a yale anli yaiwale molumo a Yohani, khumuthara Yesu. ⁴¹Andrey'owo ahipajerya orowa omphwanya Simoni, munn'awe, khumuhimerya wira: – Nomphwanya Mesiya! (Mesiya onihimyawa “Kristu Mòpoli”). ⁴²Vano Andreya ahimurohana Simoni wa Yesu. Yesu ahinwehexexa, khumwrela: – Myuwo mwà Simoni, mwana a Yohani: vano munrowa wihaniwaka Kefa. (Kefa onihimyawa “Pedru”, eyo p'iyo “mwala”).

Yesu onimwihana Filipe ni Natanayeli!

⁴³Mmeloni mwaya, Yesu ahu-

puwela orowa o Galileya. Vano ahimphwanya Filipe, khumwirela: – Mukithareke.⁴⁴ Filipe owo ari ò Bethsaida, muttetthe w'Andreya ni Pedru.⁴⁵ Filipe ahimphwanya Natanayeli, khumuhimerya wira: – Nomphwanya yole Moisesi omuhimmyawe mulivuruni mwawe, yowo-tho maprefeta amulaleiyaya. Ti Yesu, mwan-a a José, ò Nazarethi.⁴⁶ Natanayeli khwira: – O Nazarethi wokhala wokhumelela-wo etthu yorera? Filipe ahimwakhula wira: – Murwé, mone.

⁴⁷Yesu, vamonalyawe Natanayela attamelaka, ahimya sa yowo wira: – Ola va mwlsarayeli èkekhai: Mwa yola khumo-mo wotha.⁴⁸ Natanayeli ahimukoha Yesu, iraka: – Mukiwenle sai? Yesu ahimwakhula wira – Miyo kahiwonani vale varyanyu mukhitte mwa murale, Filipe ahinatthi owihanani.⁴⁹ Vano Natanayeli ahimuhimerya wira: – Pwiya, nyuwo mwà Mwana a Muluku! Nyuwo mwà Mwené a Isarayeli!⁵⁰ Yesu ahimwakhula, iraka: – Myuwo munnamini, ma-

na kihohimeryani wira: “Miyo kahiwonani varyanyu mukhitte mwa murale”? Vano, munimona-tho itthu sulupale ovikana iya.⁵¹ Yesu ahimyatho wira: – Kinolèlani ekekhai wira: munimona erimu ehuleiyene, ni maliaka a Muluku ewelaka ni emukhuruwelaka Mwana a Mutthu.

Nira n'othela o Kaná

2 ¹Mmurotonni mwaya, wahikhala othela o Kaná w'o Galileya. Ame awe Yesu yari weiwo. ²Nave Yesu ahilattu-leliwa nira nenlo vamosá n'a-wixutti awe. ³Nto, eriyari ya yolya evinyu yahimala. Vano ame awe Yesu yahimuhimerya wira: – Evinyu ehamalela!⁴ Yesu ahiwakhula iraka: – Mama, erivo yawihu exeni? Okathi aka nlelo khunatthi ophiya.⁵ Ame awe yahahimerya arumeyi, wira: – Mwire so-thene sintthunawe wolèlani.

⁶Sahikhala-vo minó mithanu na mmosa sa maluku, sari-keliwa màsi ònyawa a Yuda. Khula munó sakela miphimo mili walá mirarú.⁷ Yesu ahi-

wirela arumeyi awo: – Musarihe màsi minó iyo. Awo yahisariha minó iye mpakha mmukalani.⁸Vano Yesu ahiwrela: – Murike, vano: mmuro-ihele muluplale a nira nla, alawihe. Awo yahimuroihela. ⁹Muluplale a nira nle valawihalyawe màsi ale etatuxiwe evinyu, ahithamala. Owo khasuwela wakhumyaya-wo evinyu iyo: yasuwela yari arumeyi pahi, yawo yarikelenle màsi. Vano, muluplale a nira ahimwihana mutheli, ¹⁰khumwirela: – Atthu othene annipajerya okawa evinyu yosiva. Numalá, alipa òlattuliwa yawuryá sana, ekelelá wakuxa, t'onavahawe evinyu yohisiva sana. Masi nyuwo mwarosuka evinyu yosiva mpakha vano! ¹¹Ola ti mutikiniho wopajerya wiralyawe Yesu. Iralé o Kaná w'o Galileya. Siso ahoniherya ovuwa wawe, nave awixutti awe yahimwamini yowo.

¹²Numalá iya, Yesu ahivenya arowaka muttetthe w'o Kafarnawu vamosá n'ame awe n'axinn'awe n'awixutti

awe, khukhala weiwo mahiku vakhani.

Yesu oniwomola alipa a nakoso mpani mwa Muluku
(Nwehé-tho Mat. 21:12-13; Mar. 11:15-17; Luk. 19:45-46)

¹³Vattamenlyaya mahiku a Paxikowa áYuda, Yesu ahiwela o Yerusalem. ¹⁴Weiwo ahaphwanya mpani mwa Muluku alipa-òtumiha inyompe n'ipwittipwitthi n'ipomba; ahaphwanya-tho alipa-òwakakhana musurukhu, ekilanthene vamesani haya. ¹⁵Vano ahipaka murepettho wa mukhoyi, khuwomola atthu ale othene n'ipwittipwitthi n'inyompe saya; ahimwarexela vathi musurukhu w'alipa-òwakakhana, khupittulela mes'aya vathi. ¹⁶Vano ahahimerya alipa-òtumiha ipomba, wira: – Mukumihe-mu itthu iya sothene. Empa y'Atithi aka muhikhalihé empa ya nakoso! ¹⁷Awixutti awe yahupuwela molomo ala alempwe mulivuruni mwa Muluku, yiraka: "Muluku! Ophenta waka emp'anyu ori ntoko moro onkilaliha".

¹⁸Vano aYuda yahimukoha,

yiraka: – Ethonyeryo xeni en-nòniheryanyu y'owerya wanu wira siso? ¹⁹Yesu ahi-wakhula wira:– Mpwexakase emp'ela ya Muluku: Miyo kinoteka-tho yela muhiná mwa mahiku mararú. ²⁰Vano a Yuda yahimuhimerya wira:– Emp'ela yamanle iyakha miloko mixexe n'iyakha thannamosa etekiwaka: vano nyuwo munimuteke-tho muhina mwa mahiku mararú pahi?

²¹Nto, empa yahimywae Yesu yari erutthu awe. ²²Siso, vahihimuwalyawe mokhwani, awixutti awe yahupuwela wira Yesu ahihimya molomo ala, khwamini Solempwa ni molomo yala, yahimyalyawe Yesu.

Yesu onnisuwela sothene siri mmurimani mw'atthu

²³Okathi Yesu waryawe o Yerusalemu mahiku a Paxikowa, atthu anjene yonaka mitikiniho sirawe, yahimwamini yowo. ²⁴Vano, Yesu khàroromela yawo, okhala wira anasuwela othene aya. ²⁵Khàphavela ohimeriwa makhalelo a mutthu, okhala wira owo mma-

nsawe anisuwela murima wa khula mutthu.

Nikodemo onrowa okumana ni Yesu

3 ¹Ahikhala mulopwana, mmosá a nloko na ma-Farisi: ari mmosá a makhulu-pale àYuda. Nsina nawe nari Nikodemo. ²Owo ahirowa okumana ni Yesu, ohiyu, khu-muhimerya wira: – Pwiya! Hiyo nosuwela wira nyuwo mwà mwixuttihi okhumme wa Muluku. Tthiri khavo oniwerya wi-ra mitikiniho siniranyu, Muluku ahikhanle ni yowo. ³Yesu ahimwakhula wira: – Kinolèlani ekekhai wira: khavo oniwerya wona omwene wa Muluku, ahiyariwe-tho vasyá. ⁴Nikodemo ahimukoha Yesu, iraka: – Mutthu oniwerya sai oyáriwa vasyá, ùluvanlene? Onowerya ohokolowela mmirmani mw'ame awe, n'oyáriwa-tho vasyá? ⁵Yesu ahimwakhula wira: – Kinolèlani ekekhai wira: khavo oniwerya oke-la momweneni mwa Muluku, ahiyariwe ni màsi n'Iroho. ⁶Ele eyariwe n'irutthu, eruthú; ele eyariwe n'Iroho, erohó. ⁷Muhi-

tikinihiwé mwaha wo wohime-yakani wira muhana oyariwa vasyá.⁸ Epheyo enòpela ont-hunaya-wo: nyuwo munniwa orùma waya, vano khamunsu-wela onikhumaya-wo, walá onikelawayo. Siso t'aryaya o-thene ale ayriwe n'Iroho.⁹ Van-o Nikodemo ahimukoha wira: – Eyo eniwerya sai okhu-meleta?¹⁰ Yesu ahimwakhula wira: – Nyuwo mwà mwixuttihi a nloko na Isarayeli, muhinsu-wela sai itthu iya?¹¹ Kinohi-meryani ekekhai wira: hiyo nni-himya sinsuwelahu, ninkhale-la onamona itthu sònalyahu: nto nyuwo khamunkupali ona-mon'ahu.¹² Nyuwo khamunka-mini kohimeryakani itthu sa vathí: ankhi karowaka wohi-meryani itthu sa wirimu, mu-nthuna okamini sai?¹³ Nto khavo owenle wirimu, ahikh-a-ne Mwana a Mutthu, owo ok-hurunwe wirimu weiwo.

¹⁴ – Ntoko Moisesi vathome-iyawe enowa y'eyuma mothakoni, sisotho Mwana a Mu-thu, ohana othomeiwa,¹⁵ wira othene ale animwamini yo-wo, ekhalane ekumi ehinima-la.¹⁶ Vekekhai, Muluku òha-

pentexa atthu mpakha wa-vaha Mwan'awe mmosene, wira othene ale animwamini yowo, ehirimele, masi ekha-lane ekumi ehinimala.¹⁷ Mu-luku khamurumme Mwan'a-we mulaponi wira àhukhumu atthu: òmurumme wira atthu yopoliwe ni yowo.

¹⁸ – Ale animukupali Mwa-na a Muluku, khanihukhumi-wa: vano ale ahinimukupali, àhukhumiwa, mana khaku-panli nsina na Mwana mmo-saru a Muluku.¹⁹ Mulattu w'o-hukhumiwa t'ula: warya òhor-wa mulaponi, vano atthu ya-hikhotta warya, khíyatthara epiphi, okhala wira miteko saya sari sonanara.²⁰ Tthiri othene ale anira sonanara, anninyokha warya, khuhi-nattamelia warya iwo, wira miteko saya sonanara sihoneye.²¹ Nto ale anettela eke-khai, annattamelia warya, wira miteko saya sòneye, okha-la wira sìriwe ntoko Muluku sintthunawé.

Yesu ni Yohani Mbatiza

²² Numala itthu iya, Yesu ahi-rowa n'awixutti awe elapo y'o

Yudeya, khukhala weiwo ni yawo, abatizaka atthu. ²³Nave-tho Yohani ira abatizaka att-hu elapo ya w'Enoni, yatta-menle o Salimi, okhala wira mäsì khiyàrere-wo. Atthu yanithimakela weiwo: Yohani anabatiza yawo. ²⁴Yohani nle-lo ira ahinatthi otthukweliwa mukhatteya.

²⁵Vano awixutti akinaku a Yohani yahipajerya ovanyihana ni muYuda mmosá mwa-ha w'orerihiwa waya. ²⁶Awo yahirowa wa Yohani, khumuhimerya wira:— Mwixuttihi, ole ari ni nyuwo okhopela wa muró Yordani, yole mwamulaleiyanyu, nave-tho yowo onnabatiza atthu: othene anro-wa wa yowo! ²⁷Yohani ahiwakhula iraka:— Khivo etthu mut-thu onakhelawe, ahivahiwé wirimu. ²⁸Nyuwo mmansinyu mwa'ànamona a itthu iye si-himmyaka wira: "Miyo nkiihi-yó Kristu: miyo kirummwe or-o-wa oholo wawe pahi". ²⁹Mwa-ra t'awawe ole omuthenle. Vano mpatthani awe mutheli on-nimuhola pahi, onninwiriyana atteliwaka murima ni nsu na

mutheli. Otteliwa waka muri-ma ti wенно: ni vano ti woma-lela. ³⁰Owo ohana wunnuwa: vano miyo kiyeveke.

Ole onikhuma wirimu

³¹ – Ole onikhuma musulu ti mulupale òwavikana othe-ne: ole ori a elapo ya vathi, t'a vathí ni onlávula itthu sa-vathí. Ole onikhuma wirimu ti mulupale òwavikana othene: ³²onnileya itthu sònalyawe n'iye siwalyawe: Nto khavo onamini itthu sinlaleyaw. ³³Ole onamini itthu sinlaleyaw, onnilipihera ohimya wira Muluku t'èkekhai. ³⁴Tthiri, ole orummwe ni Muluku onlavula itthu sihimmyawe Muluku, okhala wira Muluku onninvaha Eroho awe vohipima. ³⁵Atithi annimphenta Mwana, khuhela itthu sothe-ne mmatatani mwawe. ³⁶Ole onimwamini Mwana, òkhala-na ekumi yohimala; vano ole onikhotta omwiwelela Mwana, khakhalanne ekum'ijo: onanariwa wa Muluku onokha-la ni yowo.

*Yesu ni muthiyana ò
Samariya*

4 ¹MaFarisi yahiwa wira Yesu anabatiza atthu n'anikhalana awixutti awe anjenne, wonvikana Yohani. ²Nto, Yesu yowo khabatiza: awixutti awe ti yabatiza. ³Vasuwenlyawe wira ahòneliwa, Yesu ahivenya o Yudeya, aholowellaka o Galileya. ⁴ Vano ahana ovira elapo y'o Samariya.

⁵Ekwah'awe yevo, ahiphiya muttetthe mmosá w'o Samariya, wihaniwa Sikari, wattamenle ematta Yakobe yanvahalyawe Susé, mwan'awe. ⁶Weiwo, yahikhala ehime ya Yakobe. Yesu, vakhulumunabwe wetta, ahikilathi mukhitte mw'ehim'eyo. Wari othana eriyari.

⁷⁻⁸ Awixutti awe yahirowa omuttettheni othuma yolya. Okathi uwo, muthiyana mmosá ò Samariya ahirwa orika màsi. Yesu ahimwirela: – Mukivahé màsi, kiwurye. ⁹Vano muthiyan'ovo ò Samariya ahimwirela: – Vaniraneya sai nyuwo munari muYuda, khíyakivekela màsi miyo, kiri mu-

thiyana ò Samariya? Tthiri a-Yuda khiyatthunana n'aSamariya. ¹⁰Yesu ahimwakhula wira: – Pwiya, nyuwo khamurina y'orikana màsi: ehime ti yowixa. Mìsi awo a ekumi muniphwanya vai? ¹²Atith'i-hu Yakobe ànithipela ehim'ela: awo mmansaya yawurya vava, vamosá n'àn'aya n'ina-ma saya. Khino nyuwo munikhaliha mìlupale onvikana Yakobe? ¹³Yesu ahimwakhula wira: – Othene ale anwurya màsi ala, nnimwavola-tho ntthona. ¹⁴ Nto ole onrowa owurya màsi miyo kinthunaka onvaha, khanivoliwa-tho ntthona. Vekekhai, màsi anrowaka onvaha miyo, anrowa okhala mwa yowo nattuttu a màsi anivaha ekumi yohimala. ¹⁵Muthiyan'ovo ahinvekela Yesu wira: – Pwiya, kivaheni màsi yawo, wira kihivoliwé-tho ntthona, kihirwelé-tho orika vava.

¹⁶ Yesu ahimwirela: – Rowani mwawihane aiy'anyu, mwaruhe vava. ¹⁷ Muthiyan'ovo ahimwakhula wira: – Miyo nkiringa iy'aka Yesu ahimuhimerya wira: – Nyuwo mohimya sa-na wira: "Nikirina iy'aka",

¹⁸okhala wira mwahitheliwa n'alomwana athanu. Vano ole orinanyu nanano va, khahiyó awinyu. Siso mohirya ekekhai! ¹⁹Muthiyana ahimuhimerya ekekhai! – Pwiya, kinóna wira mwà profeta. ²⁰Axitith'ihu aSamariya yahimukokhorela Muluku va mwako yola: vano nyuwo aYuda munihimya wira nipuro n'omukokhorela Muluku t'o Yerusalem pahi. ²¹Yesu ahimwakhula wira: – Nyuwo muthiyana, mukikupali miyo: onophiya okathi ohinrowanyu wakokhorela Atithi, nnákhala va mwako va, nnákhala o Yerusalem. ²²Nyuwo aSamariya munimukokhorela Muluku muhimusuwelaka sana; vano hiyo, aYuda, ninnimusuwela ole onimukokhorelahu, okhala wira wopowa onikhuma w'a-Yuda. ²³Onophiya okathi-oka-thi ene ti yola: wophiya tthirioniraya alipa-òkokhorela èkekhai yakokhoreleke Atithi yettihiwaka n'Iroho y'ekekhai. Atithi annaphavela atthu antthuna wkokhorela siso. ²⁴Muluku Erohó: ale animukokhorela Muluku, ahana omukokho-

rela yettihiwaka n'Iroho y'ekekhai.

²⁵Muthiyana'wo ahimuhimerya wira: – Miyo kosuwela wira Mòpoli, onìhaniwa Kristu,ohanle orwa. Arwá vale, ononisuweliha sothene. ²⁶Yesu ahimwakhula wira: – Mòpoli yowó ti yomi, kinlavula ni nyuwo.

Okathi w'ohepha wophiya

²⁷Okathi yowo, yahiphiyasa awixutti awe. Vamònalyaya Yesu alavulaka ni muthiyana, yahitikihiwa: vano khavo amukonhe wira: "Munimphavelelani?" walá wira: "Muni mphavelelani?" walá wira: "Munlavulelani ni muthiyana?"

²⁸Vano-nto, muthiyana ahimerya munó awe vavale, kuttithimakela omuttettheni, ana-himerya atthu wira: ²⁹ – Munré, mmone mulopwana okihimenrye sothene siralyaka. Khino yowo Mòpoli? ³⁰Atthu awo yahivenya omuttettheni, erowaka okumana ni Yesu.

³¹Vano-nto awixutti awe yanimuthipelela, yiraka: – Pwiya, iyakani! ³²Yesu ahiwakhula wira: – Miyo kokhalana yoly'a-

ka, nyuwo muhinsuwelanyu.
³³Vano awixutti yanikohana yaworu, yiraka: – Khino orokhala omuruhenle yolya?

³⁴ Yesu ahahimerya wira: – Yoly'aka miyo, wettela ott-huna wawe ole okirumme ni omaliherya miteko sawe.
³⁵Nyuwo munihimya wira: "Si-hanlé myeri mixexe ophiya okathi w'ohepha". Nto miyo kinohimeryani wira: Muttukhule maitho, nwehé imatta: mi-hokorokho sottokottha, sihemphweke.
³⁶Alipa-òhepha à-hakhela musurukhu aya: vano annithukumanyerya mi-hokorokho ekumi yohimala.
– Siso, alipa-òwala annitteli-wa murima vamosá n'alipa-òhepha.
³⁷Tthiri vavo enniraneya ekano ele enihimya wira: "Onàla mukina, mukina anahepha".
³⁸Miyo kihorumaní ohepha ematta muhihawenlyanyu. Ahawenle akina: vano nyuwo munipuherya muteko ahawenlyaya yawo.

³⁹ASamariya anjene a muttetthe owo yahimwamini Yesu, mwaha wa molumo a mu-thiyan'ole, ahimya wira: "Owo òkihimerya sothene sìralya-

ka".
⁴⁰Vano, aSamariy'awo ya-hirowa okumana ni Yesu, ya-hinvekela wira akhale ni ya-wo. Yesu ahikhala weiwo mahiku manli.
⁴¹Vano yahitepa watta ale yamwaminni mwa-ha wa molumo awe,
⁴²khu-mwirela muthiyan'ole wira: – Vano, khahiyó mwaha wa molumo anyu pahi nnamina-hu: hiyo mmansihu nomwiwa ni màru ahu. Vano nosuwela wira vekekhai owo Mòpoli a atthu othene.

⁴³Vavinryaya mahiku manli, Yesu ahivenya iwo, aro-waka o Galileya.
⁴⁴Yesu mwanene ahimya wira: – Profeta khanakheliwa orattene mulaponi mwawe.
⁴⁵Vano, vaphi-yalyawe o Galileya, ahakhe-liwa orattene n'atthu a elapo eyo, okhala wira yawo-tho ya-hirowa onirani na Paxikowa o Yerusalem, khwona sothe-ne Yesu sìralyawe mahiku a nira nenlo.

Yesu oninvoniha mwana a mulupale òmwene

⁴⁶Yesu ahiphiya-tho o Kaná, elapo y'o Galileya, weiwe wathatunxawe màsi, khukha-

la evinyu. Muttetthe owo ahikhala mulupale òmwene, arina mwan'awe mwamulopwana awereiwa o Kafarnawu.⁴⁷ Vaiwalyawe wira Yesu ahipiyya o Galileya, akhumaka o Yudeya, ahirowa okumana ni yowo, khunvekela wira arowé owannyawe, anvonihe mwanamwane ole, ahala okhwa.⁴⁸ Yesu ahimuhimerya wira: – Mwahoneke miriryu ni sotikiniha, nyuwo khamunamini! ⁴⁹Mukhulupale owo ahimuthipelela, iraka: – Pwiya, nkarwani, mwan'aka ahinatthi okhwa!⁵⁰ Yesu ahimwirela: – Murowé: mwan'inyu mukumi! Mulopwan'owo ahamini molumo yanuhimenryawe Yesu, khuyenya, arowaka owani.⁵¹ Ettaka sisale, ahikumanan'arumeyi awe, yarwa omuhimerya wira: – Mwan'inyu mukumi! ⁵²Owo ahakoha iraka: – Ovonné okathi xeni? Awo yahimwakhula wira: – Ovonné nsana, ovinrene othaña eriyari.⁵³ Vano, tithi ule ahisuwela wira ukathi yole Yesu wamuhimenryawe wira: "Mwan'inyu mukumi". Tívó ahamini owo vamosá n'atthu othene a

vatthokoni vawe.

⁵⁴Ola ti mutikiniho wanenli Yesu iralyawe, ahokolowaka o Yudeya, arowaka o Galileya.

Yesu oninvoniha mutthu òrakala

5 ¹Numalá itthu iya, nahíriwa nira n'aYuda. Yesu ahirowa o Yerusalem. ²Muttetthe owo, vakhiviru ni mukhora wa ipwittipwitthi, yahikhalah ehimé emosá, yarina iphiryo mathanu. Ehim'eyo aYuda yihaniha "Bezathá". ³Mphiryo mmo mwahikhala aretta anjene: alipa òhona n'alipa-òtuthunya n'alipa-òrakala. «Awo yanilipelela otannyeaya wa màsi. ⁴Tthiri vanihimmwa wira munkelo Apwiya anikhuruwa vehimeni okathi mukinaku, khutannya màsi! Vano, muretta ari muraji osama mmàsini vatannyeyaya, anivonihowi eretta t'iretta yamu-haxa». ⁵Ahikhala weiwo mulopwana amanle iyakha miloko mirarú ni thanu na ttharu awereiwaka. ⁶Yesu, vamonyawe ampathalene, vasuwenlyawe wira apajenrye khalai owereiwa, ahimukoha wira:

– Munnitthuna ovona? ⁷Murret'owo ahimwakhula wira:
 – Pwiya, nkirina mutthu òki-rihela vehimeni, màsi yapajeryaka otannyeya. Okathi oníraka kipurulele mmàsini, mukina onnikhuruwelamo miyo kihinathhi. ⁸Yesu ahimwirela: – Venyani, mukuxé nrepa nanyu, mwetteke! ⁹Nanenoru mulopwan'owo ahikha-la mukumi, ahikuxa nrepa na-we, khupajerya wetta.

Vano, nihiku nenlo nari esábadu. ¹⁰Tivó, aYuda yahimwirela mulopwan'owo avonihiwe wira: – Olelo esabadú: khamuntthuniheriwa ottukhula nrepa! ¹¹Owo ahikhula, iraka: – Owo okivoninhe t'okí-renle wira: “Mukuxé nrepa nanyu, mwetteke”! ¹²Vanó, awo yahimukoha wira: – Ti pani uwo owirenleni: “Mukuxé nrepa nanyu, mwetteke”? ¹³ – Ole avonihiwe khamusuwenle mutthu ene, okhala wira Yesu ahikhuma nipuro nle eriyari y'atthu yaharere wattá.

¹⁴Okathi mukina, Yesu ahimphwanya mulopwan'owo mpani mwa Muluku, khumwirela: – Nyuwo movonihwa: nto

vano muhiré-tho itampi wira ehokhumeleleni etthu ikina yotepa otakhala. ¹⁵Mulopwan'owo ahirowa wahimerya a-Yuda wira Yesu t'anvoninhe. ¹⁶Tivó, aYuda yahipajerya o-mulupattha Yesu, mwaha wo wira etthu ile nihiku n'asábadu. ¹⁷Vano Yesu ahikhula, iraka: – Atithi aka annivara muteko mahiku othene: ni miyo-tho kinnivara!

¹⁸Mulattu wa molumo ala, aYuda yahitepa ophavela omwiva. Tthiri Yesu khavirikan-yihale nihiku n'asábadu pa-hi: owo ahihimya-tho wira Tithi awe Mulukú, ni siso ahili-kanyiha ni Muluku.

Yesu, Mwana a Muluku, onolikana n'Atithi awe

¹⁹Vano Yesu ahahimerya-tho wira: – Kinohimeryani eke-khai wira: Mwana khanwe-rya wira etthu mekhawe. Owo onnira itthu siniwonana-we Atithi awe yiraka. Itthu so-thene Atithi awe aníraya, na-ve-tho Mwana onnira seiyo. ²⁰Tthiri, Atithi annimpagenta Mwana: annimoniherya so-thene siniraya: awo anamo-

niherya-tho miteko sulupalexá sovikana iya: siso nyuwo mu-notikinihiwa.²¹ Sisale Atithi anahihimuxaya atthu òkhwa, enavahatho ekumi: siso-tho Mwana onnavaha ekumi ale ontthunawe.²² Atithi khanimalamula muthu: anvanhe Mwana owerya wothene w'olamula,²³ wira atthu othene emuttittimiheke Mwana, sisale sinattitimihaya Atithi. Ole ohinimuttittimiha Mwana, nnákhala khanattittimiha Atithi, yawo amurumme.

²⁴ – Kinolélani ekekhai wira: Ole oníwa molumo aka, anawamini Atithi akirumme, òkhala lanekumi yohimala. Owo khanrowa ohukumiwa: owo òvenya mokhwani, khuphanya-tho ekumi.²⁵ Kinolélani ekekhai wira: onophiya okathi- okathi ene ti yola: wophiya tthiri oníraya atthu akhwiye yiweke nsu na Mwana a Mulu. Ale anrowa wiwa nsu nlo, anokhala akumi.²⁶ Tthiri Atithi ari mwanene ekumi: siso-tho awo ànvaha Mwan'aya okhala mwanene ekumi.²⁷ Atithi ànvaha-tho Mwana owerya wo walamula atthu,

okhala wira owo ti Mwana a Mutthu.²⁸ – Itthu iya sihotikinheni, okhala wira onophiya okathi oníraya atthu othene ari mmahiye, yiwe nsu na Mwana a Mutthu,²⁹ ekhume mmahiye; ale avanre miteko sorera anohihimuwa, ephwanyé ekumi; ale avanre miteko sonanara anohihimuwa, ephwanyé ehukhumu.

Ale animukhalela Yesu onamona

³⁰ – Miyo nkinwerya wira etthu mekhaká. Miyo kinnila- mula ntoko siniwaka. Ola- mula waka ti w'exariya, ma- na nkimpahvela wira ntoko sintthunaka: kimphavela wi- ra ntoko sintthunaya Atithi akirumme.³¹ Kàri miyo pahi kilavulaka sa miyo, itthu sini- himyaka khisaroromeleya.³² Vano, ohavo mukina oniki- khalela onamona: miyo kosu- wela wira itthu sinihimywae sa miyo ti s'ekekhai.³³ Nyuwo mwaharuma atthu orowa o- mukoha Yohani: owo ahikha- lela onamona Ekekhai.³⁴ Mi- yo nkimpahvela okupalihiwa ni mutthu mukina: vano kohi-

menryeni itthu iya, wira nyuwo mopowe.³⁵ – Yohani ari muthuko wopattihowiwa, wamwalela atthu: nyuwo mwa hitthuna otteliwa murima ni warya iwo okathi vakhani pahi.³⁶ Nto miyo kokhalana onamona wulupale wonvikan na Yohani: ti miteko sinivara ka, seiyo Atithi sikirummyaya ovara. Miyo kinnivara miteko iyo ni ti seiyo sinòniherya wira Atithi t'akirumme.³⁷ Hatá Atithi, yawo akirumme, awo mmansaya annikikhalela onamona. Nto nyuwo khamunaiwe nsu naya, walá khanunone ekhove aya.³⁸ Hatá molumo aya khanikhala mwa nyuwo, okhala wira khamunimwamini ole Atithi amurummyaya.³⁹ Nyuwo munnisoma orattene Solempwa sa Muluku, mùpuwelaka wira muniphwanya memmo ekumi ehimimala: Solempwa se ne seiyo sinnikikhalela onamona.⁴⁰ Nto nyuwo khamunthuna orwa wa miyo, wira mphwanyé ekumi.

⁴¹ – Miyo nkinthokorerya ottotopeliwa n'atthu.⁴² Ohiya, vo kinnosuwelani nyuwo, wi-

ra khamunimphenta Muluku.⁴³ Miyo kihorwa mwa nsina n'Atithi: Vano nyuwo khamunikhela. Masi, arwá mukina ahirummwe, munomwakhela vohipisa.⁴⁴ Muniwerya sai wamini, nyuwo munivuhana yenyuru, muhiphavelaka ottotopela onrwa wa Muluku pahi?⁴⁵ Vano muhupuwelé wira ti miyo kinrowa wohimyasani va maithoni v'Atithi. Moisesi, yowo onimuroromelanyu, t'unrowa wohimyasani.⁴⁶ Vekekhai, mwamwaminni Moisesi, mwamukamini-tho miyo, okhala wira Moisesi òlempé sa miyo.⁴⁷ Vano, nyuwo muhinamini itthu silempyawe muniwerya sai wamini molumo aka?

Yesu onavaha yolya atthu anjene

(Nwehé-tho Mat. 14:13-21;
Mar. 6:30-44; Luk. 9:10-17)

6 ¹Numala itthu iya Yesu ahilapuwela ekhopela ekina y'ephareya y'o Galileya, niwa-tho y'o Tiberíyade.
²Muttitthi mulupale w'atthu wanimutthara, okhala wira yanona ithonyeryuo sirawe, a-

vonihaka aretta. ³Yesu ahiwela va mwako, khukilathi vavo n'awixutti awe. ⁴Nira nulupale n'aYuda, nihaniwa Paxikowa, nahikhuvela. ⁵Yesu, atexaka maitho ahona wira muttitthi mulupale w'atthu wanimurwela yowo. Vano ahimuhimerya Filipe wira: – Ninrowa othuma vai iphahu, wira atthu ala othene elyé? ⁶Ahimuhimerya siso, aphavelaka omwehererya Filipe: mana yovo anisuwela orattene ethu yatthunawe wira. ⁷Filipe ahimwakhula wira:– Musurukhu ikonto pili khumphiyerya othumela iphau sowakhela nippattuxa nimosa khula mutthu. ⁸Mwixutthi awe mukina, ihanawa Andreya, munn'awe Simoni Pedru, ahimuhimerya wira: ⁹ – Òkhala va mwammiravo, orina iphau thanu n'ihopa pili sikhani. Nto siniphiyeryani seijo atthu owatta sisa? ¹⁰Yesu ahira: – Mwalèle atthu wira ekilathi vathí. Nipuro neno munyepu khiwarere. Attlu yahikilathi: alopwana pahi yari attlu ikonto thanu. ¹¹Yesu ahikuxa iphau iye, ahimuxukhuru Muluku, khwakawela attlu othene yakinthe. Ahakawelatho siso

ihopa. Atthu othene yahikhura mpakha waphiyerya. ¹²Othene vavonalyaya, Yesu ahiwrela awixutti awe: – Muttotle mapattuxa ahanle, wira ehirimelé ethu. ¹³Awo yahittottela, khusariha ithokwa mulokó ni pili, mapattuxa yahanle a iphau iye ithanu.

¹⁴Vano atthu, vonalyaya ethonyeryo Yesu yiralyawe, yahihimya wira: ¹⁵ – Vekekhai, ola ti profeta yole ontthuna orwa omwako mekhawe.

Yesu onetta va màsini

(Nwehé-tho Mat. 14:22-33;
Mar. 6:45-52)

¹⁶Nsuwa ntthekuwaka, awi-xutti awe yahikhuruwela ophareya, ¹⁷yahikela mukalawani, khíyalapuwela okhopela, erowaka o Kafarnawu. Vailaka, Yesu ira nlelo ahirwiye okumana ni yawo. ¹⁸Epheyo yanopa n'ikuru: ephareya yahisareya mawimpi. ¹⁹Vettiha-lyaya ekalaw'eyo mpakha ikilomo thanú walá thanu na mmosa, yahimona Yesu attamelaka ekalawa, ettaka va màsini, khwòva. ²⁰Vano Yesu ahahimerya wira: – Muhòve! Ti miyo! ²¹Awo yahimwakhe-lela mukalawani: vohilekela

ekalawa yahiphiya okhopela, nipuro narowaya.

Muttithi w'atthu onimphavela Yesu

²²Vaxiyaya, muttithi w'atthu wahanle ekhopela ekina y'aphareya, wahona wira yahanle ekalawa emosa pahi. Atthu yanisuwela wira Yesu khapakhinre mukalawani vamósá n'awixutti awe: awixutti yarowanse mekhaya. ²³Vano, ikalawa sikina, sikhuma-ka elapo y'o Tiberiyade, sahiphiya nipuro nenlo atthu nalyiyaya iphau. ²⁴Atthu ale, vonalyaya wira Yesu khakhanle-wo, nnákhala awixutti awe, yahikela-tho ikalawa saya, khurowasa o Kafarnawu, emphavelaka Yesu.

Yesu ti ephau ya ekhumi

²⁵Vamphwanyalyaya, ekhopela ekina ya ephareya, yahimukoha, yiraka: – Mwixutthi, mphiyalé lini nno? ²⁶Yesu ahiwakhula wira: – Kinohimeryaní ekekhai wira: nyuwo khamunikiphavelela mwaha wa ithonyeryo sonalyanyu. Munnikiphavela hapo mokhura iphau, nvona. ²⁷Muhivare-

leke muteko yolya enimala: nvareleke yolya enikhala, enivaha ekumi ehinimala, yeo Mwana a Mutthu entthunawe wovahani: tthirí, Tithi, Mulu-ku mwanene, òkivaha owe-rya wawe nno. ²⁸Vano atthu yahimukoha wira: – Nireke xení, wira netteke ntoko sinttunawe Muluku? ²⁹Yesu ahiwakhula wira: – Entthunawe Muluku t'ilá: omwamini yówo Muluku omurummyawe. ³⁰⁻³¹Awo yahimukoha-tho wira: – Nto nyuwo ethonyeryo xení eniranyu, wira hiyo nóne, niwamini? Axitith'ihu yahilya emaná mothakoni, ntoko silempwaya wira: “Àhava-ha okhura iphau sirwiye wirimu”. Vano nyuwo munira miteko xení? ³²Yesu ahiwakhula wira: – Kinolèlani ekekhai wira: khahiyó Moisesi òvahalení iphau sinikhuma wirimu. Atithi aka t'annovahani ephau y'ekekhai, enikhuma wirimu. ³³Ephau enivahawe Muluku t'ile enikhuruwa wirimu, enavaha atthu ekumi. ³⁴Vano atthu ale yahimwirela: – Pwiya, mahiku othene munivahike ephau ene yeo! ³⁵Yesu aha-

himerya wira: – Miyo ka ephau y'ekumi. Ole onikirwela miyo khanivoliwa-tho etala: ole onikamini miyo khanivoliwa-tho ntthona.³⁶ – Nto miyo kihohimeryani wira: nyuwó mokona, masi khamunikamini,³⁷ Othene ale kinivahiwaka n'Atithi, anokirwela miyo: vano miyo nkinakhotta ale anikirwela.³⁸ Vekekhai, miyo nkikhurunwe wirimu wira kireke otthuna waka: kikhuruwenlé wira kireke otthuna w'Atithi akirumme.³⁹ Vano, otthuna w'Atithi akirumme ti nno: wira ahikirimelé mutthu, nnákhala mmosá, w'ale akiyahalyaya: ohiya vo, kahihimuxé othene mokhwani nihiku nokiserya.⁴⁰ Thiri, ethu entthunaya Atithi t'ilá: othene ale animona Mwana enamwamini yowo, ephwanye ekumi yohimala. Vano miyo kini-mwahihimuxa mokhwani nihiku nokiserya.

Ephau y'ekumi ti erutthu ya Yesu

⁴¹Vano aYuda yanimwapa Yesu, mwaha wo wira: "Miyo ki ephau ekhurunwe wirimu".

⁴²Awo yanihimya wira: – Nto ola khahiyó Yesu, mwan'awe Susé? Hiyo ninnasuwela atithi awe n'ame awe. Vano onihimya sai wira: "Miyo kikhuruwenlé wirimu"? ⁴³Yesu ahiwakhula wira: – Muhàpeké yenyrú! ⁴⁴Khavo onwerya okirwela miyo, ahithanliwe n'Atithi, yawo akirumme: vano miyo kinomuhihimuxa mokhwani nihiku nokiserya.⁴⁵ Maprofeta yahilepa wira: "Atthu othene animwixuttihiwa ni Mulu-ku". Othene ale aniwiwa Atithi ni anixuttihiwa ni yawo, anokirwela miyo.⁴⁶ Nto khavo owonne Atithi ahikhanle Mwana okhunme w'Atithi: yowo t'owonne Atithi.

⁴⁷Kinolélani ekekhai wira: ole onikamini miyo, òkhala-na ekumi yohimala.⁴⁸ – Miyo ka ephau enivaha ekumi.⁴⁹ Axitith'inyu yahikhura emáná mothakoni, numalá khukhwasa.⁵⁰ Vano ephau ekhurunwe wirimu khinlikana n'imaná: thiri ole onkhura ephau ela, khankhwa-tho.⁵¹ Miyo ki ephau ekumi, yeo ekhurunwe wirimu: mutthu ontthuna okhura ephau ila onokhala

mahiku othene òhimala. Vano ephau enrowaka ovaha t'irutthu aka, yevo entthuna-ka ovahererya wira atthu othene ephwanye ekumi.

⁵²Ayuda yanivanyihana mwaha wa molumo ala, yiraka: – Oniwerya sai ola oniva-ha erutthu awe wira nikhure-ke? ⁵³Yesu ahahimerya wira: – Kinolèlani ekekhai wira: mwahikhurekeru erutthu ya Mwana a Mutthu, mwahiwu-ryekeru ephom'awe, khamu-nikhala ekumi mwa nyu-wo. ⁵⁴Olé onikhura erutthu aka ni onwurya ephome aka, ò-khalana ekumi yohimala: vano miyo kinomuhihimuxa mo-khwani nihiku nokiserya. ⁵⁵Tthiri, erutthu aka ti yolya yeke-khai, ephom'aka ti yowurya yekekhai. ⁵⁶Ole onikhura erut-thu aka ni oniwurya ephome aka, onikhala mwa miyo, ni miyo kinikhala mwa yowo. ⁵⁷Ntoko Atithi, ari mwanene ekumi, sikirummyaya miyo, vano miyo kophwanya ekumi mw'Atithi: sisotho, ole oniki-khura miyo onophwanya ekumi mwa miyo. ⁵⁸Ela t'iphau e-

khurunwe wirimu: ephau ila khinlikana n'ile yakhuralya-ya axitith'inyu khukhwasa. Ole onikhura ephau ila onokhala mahiku othene. ⁵⁹Yesu ahimya itthu iya axutthihaka mpani mothukumana, o Kafarnawu.

Molumo anivaha ekumi yohimala

⁶⁰Vamwiwalyaya Yesu, awi-xutti awe anjene yahihimya wira: – Molumo ala àtepa ori-ka. Ti pani oniwerya okupa-li? ⁶¹Vano Yesu, ònaka mmu-rimani mwawe wira awixutti awe ale yanàpa mwaha w'e-tthu iyo, ahahimerya wira: – Molumo aka annotikiniha-ni? ⁶²Mankhi nyuwo mwamo-na Mwana a Mutthu awela-ka wirimu, weijo waryawe khalai? ... ⁶³Eroho t'inivaha e-kumi: erutthu khirina mute-ko. Vano molumo kohimen-ryakani t'iroho enivaha eku-mi. ⁶⁴Nto, variyari vanyu àk-hala-vo akina ahinamini. Tthiri Yesu, okhuma wopajeryani, anasuwela yawo yahamini, animusuwela-tho ole arowa onvariha. ⁶⁵Yesu ahahimerya-

tho wira: – Ti vavo miyo kohi-menryakani wira: “Khavo onwerya okirwela miyo, ahithanliwe n’Atithi”.

⁶⁶Okhuma nihiku nlo, awixutti awe anjene yahimwala-na ni yowo, khuttharuwa we-ttana. ⁶⁷Vano Yesu ahakoha ale mulokó nanli, iraka: – Khi-no nyuwo-tho munnithuna orowa? ⁶⁸Simoni Pedru ahi-mwakhula wira: – Pwiya, nint-huna omuthara pani? Muri-na molumo anivaha ekumi yohimala, ti nyuwo. ⁶⁹Vano hi-yo nihamini, nosuwela wira nyuwo mwà Kristu, orumm-we ni Muluku. ⁷⁰Yesu ahi-wakhula wira: – Nkihiyó miyo ko-thanlaleni nyuwo, mulokó na-nli? Vano mmosá a nyuwo, Satana! ⁷¹Yesu amuhimya Yu-da, mwan’awe Simoni Isikaryoti: tthiri Yud’owo, mmosá a muloko nanli, t’arowa onva-riha.

Ohamini w’amusi a Yesu

7 Numala itthu iya, Yesu anettetta elapo y’o Galileya: khatthuna wettetta o Yu-deya, okhala wira aYuda ya-niphavela omwiva. ²Vano, nira

n’aYuda nìhaniwa nira na mixaxa, nahattamela. ³Amusi awe Yesu yahimwirela: – Nvenyé va, murowe o Yu-deya, wira nave awixutti an-yu yone-tho miteko sinvarnyu. ⁴Tthiri, khavo onira apha-velaka osuweliwa, khiyavara miteko sawe wiphini. Nyuwo, mwiraka itthu iya, mwireke mwisuwehaka w’atthu othe-ne. ⁵Vekekhai, nnákhala amusi awe khiyámwamini. ⁶Vano Yesu ahiwakhula wira: – Oka-thi aka nlelo khunatthi ophi-ya. Vano nyuwo, okathi t’uka-thi ti wawinyu. ⁷Atthu avathí-va khana mwaha wo wonyo-khani nyuwo: nto annikinyo-kha miyo, mana kinniwonihe-rya wira miteko saya ti sona-nara. ⁸Murowaseke nyuwo, onírani. Miyo nkinrowa oní-ran’iwo, okhala wira mahiku aka nlelo khamalenle. ⁹Váhi-menryawe siso, ahihala o Ga-lileya.

Yesu onrowa onírani na maxaxa

¹⁰Vano, amusi awe varowa-lyaya oníran’iwe, yowo-tho a-hirowa khahiyó vosuweliwa,

nto wiphini.¹¹Vanírani vavale, makhulupale àYuda yanimwavya, yiraka: – Nkhi ule ori wowi? ¹²Mmuttithini mothe-ne, atthu yanivanel vanjene sa yowo wiphini. Akina yanihimya wira: – Owo t'òrera mu-rima. Akina yanivanya, yiraka: ¹³Vano, Khavo alavula mwaha wa Yesu vanlakani, mana atthu yaniwova mak-hulupale.

*Yesu onixuttiha mpani
mwa Muluku*

¹⁴Eríyari ya nira, Yesu ahikela mpani mwa Muluku, khupajerya owixuttiha atthu. ¹⁵ Makhulupale àYuda yahiti-kinihiwa, khwiraka: – Ola onisuwela sai vanjene sisa, ahisomme? ¹⁶Yesu ahiwakhula, iraka: – Itthu sinixuttihaka kahiyó sawaka: sinikhuma wa Muluku òkirumme. ¹⁷Akhálá mutthu oniphavela wettela otthuna wa Muluku, onowerya wona itthu sinixuttihaka sàri sa Muluku, walá kàlavulaka sa mmuruni mwaka. ¹⁸ – Ole onlavula sawawe mmansawe, onniphavela wivuwiha pahi.

Van'ole oniphavela onvuwi-ha ole òmurumme, owo t'oni-himya ekekhai: Mwa yowo khuvo-vo wotha. ¹⁹Khahiyó Moisesi òvahalen ikan? Vano, khavo nnákhala mmo-sá a nyuwo onetella ikan iyo. Nanso, munikiphavelela-ní okiva? ²⁰Muttithi w'atthu wahakhula wiraka: – Nyuwo muri ni Satana. Ti pani oniphavela owivani? ²¹Yesu ahiwakhula wira – Miyo kírale ethonyeryo emosa pahi, va-no nyuwo othene anyu khu-tikinihiwa. ²²Nto nyuwo mu-niwunnuwiha àn'inyu axilo-pwana nihiku n'asábadu, okhala wira Moises òhoruma-ni owinnuwiha àn'inyu awo. Nto vekekhai, khahiyó Moi-sesi apajenrye wovahani eka-no ela: makhulupale a khalai ti ya pajenrye. ²³Siso nyuwo munimunnuwiha mutthu nihiku n'asábadu, wira muhivi-rikanyihe ikan sa Moisesi: vano munnanareliwaní ni mi-yo mwaha w'onvoniha vo-malela mutthu nihiku n'asábadu? ²⁴Muhimuthorihé mut-thu muttharaka itthu sinòne

ya pahi: mwixutte olamula muttharaka exariya.

Yesu ti Kristu

²⁵Atthu akina o Yerusalem
yanihimya wira: – Khahiyó yo-
la oniphaveliwa wira iviwe?

²⁶Nto vano onnilavula vanla-
kani, khuhirihiwa ethtu. Khi-
no makhulupal'ihu arosuwela
vekekhai wira tthiri uwo ti
Kristu? ²⁷Masi Kristu arwaka,
khavo ontthuna osuwela on-
khumawe: van'ola, hiyo nosu-
wela onikhumawe-wo.

²⁸Okathi uwo, Yesu ira axu-
tthiaka mpani mwa Muluku.
Vano ahimya arunyaka wi-
ra: – Nyuwo munona wira mu-
nnikisuwela ni wira mosuwe-
la onikhumaka. Nto miyo nki-
riwyé mmansaka: Muluku t'o-
kirumme. Owo t'a ekekhai.
Nyuwo khamunimusuwela
yowo. ²⁹Miyo kinnimusuwela,
okhala wira kinikhuma mwa
yowo ni ti yowo okirumme.
³⁰Atthu ale yaniphavela onva-
ra, nto khavo awenrye, okha-
la wira okathi awe nlelo
khiwàphiyale. ³¹Vano atthu a-
njene a muttitthi ule yahimwa-

mini yowo. Awo yahihimya
wira: – Vanrwawe Mòpoli, oni-
mwira mitikiniho sulupalex,
sovikan iye siralyawe Ye-
s'ula?

Atthu anirummwa orowa onvara Yesu

³²AFarisi yahiwa wira atthu
othene yanàpa wiphini itthu
iya sa Yesu. Tivo, makhulu-
pale a anamukuttho n'aFari-
si yaharuma anakhotto oro-
wa onvara. ³³Yesu ahimya
wira: – Nlelo kinokhala ni nyu-
wo okathi vakhani: numalá,
kinohokolowela wa yole oki-
rumme. ³⁴Nyuwo munokiph-
vela, muhikiphwanyé: mana
iwo kinrowaka, nyuwo kha-
munwerya ophiya-wo. ³⁵Ayu-
da yahikohana yaworu wi-
ra: – Ola ontthuna orowa vai,
hiyo ohinweryahu omphwa-
nya? Khino ontthuna orowa
w'aYuda amwarenle ilapo s'a-
malapo, wira awixuttiheke ya-
wo? ³⁶Anihimya exeni molu-
mo ahimmyawe wira: "Nyuwo
munokiphavela, muhikiphw-
anyé, mana iwo kinrowaka,
nyuwo khamunwerya ophiya-
wo"?

Miró sa màsi makumi

³⁷Nihiku nokiserya na nira nle, nari nulupalex, Yesu ahemela oholo w'atthu, khuhimya arunyaka wira: – Akhalá mutthu ovoliwe ntthona, aki-rwele miyo; awuryé ³⁸ole onikamini miyo. "Mmurimani mwa muthu yowo, munophattuwa miró sa màsi makumi", ntoko sinihimyaya Solempwa sa Muluku. ³⁹Ni molumo ala, Yesu ahihimya Eroho Yarowaya wakhela ale yamwamini ywo. Mahiku ale, Eroho ya Mulu ku nlelo yira ehinatthi ova-hiwa atthu, okhala wira Yesu nlelo ira ahinatthi ovuwihiwa.

*Atthu anivanyihana
okhumalyawe Yesu*

⁴⁰Mmuttitthini mw'atthu ale, akina yiwaka molumo ala, yanihimya wira: – Vekekhai, ola ti profeta yole onihimma. ⁴¹Akina yanihimya wira: – Ola Kristú! Nto akina-tho yanihimya wira: – Khino Kristu ontthuna okhuma o Galileyá? ⁴²Tthiri Solempwa sinihimya wira Kristu ontthuna okhala a nloko na Davidi, ni

wira ontthuna okhuma o Be-thelehemu, muttetthe wa Davidi. ⁴³Siso wahikhala ohin-nana w'atthu mwaha wa Yesu. ⁴⁴Akina a yawo yaniphavela onvara: nto khavo amminyalenle.

*Makhulupale à Yuda
khanimwamini Yesu*

⁴⁵Anakhotto yahihokolowela w'alupale a anamukuttho ni w'aFarisi, khukohiwa wira: – Muhimuruhenle-ni? ⁴⁶Anakhotto yahiwahula wira. – Kha-vo ontonko olavula ntoko mulopwan'ovo! ⁴⁷AFarisi yahiwirela: – Nave-tho nyuwo muhotothiwa? ⁴⁸Khino ókhala mukhulupale walá nFarisi ò-mwaminni ywo? ⁴⁹Nto atthu ale ahisuwenle ikanó, t'òthan-nyeya. ⁵⁰Vano Nikodemo, mmosá àFarisi, yole aronwe khalai olavula ni Yesu, ahahimarya wira: ⁵¹ – Khino ikano sahu sinimutthukwela mutthu, apajenrye toko wiwiwa n'u-suweiwa siralyawe? ⁵²Awo yahimwakhula, yiraka: – Ni nyuwo-tho mwà mu Galileya?

Musomeke orattene: musu-wele wira khavo profeta on-khuma o Galileya! ⁵³Vano khula mutthu ahivenya aro-waka owannyawe.

*Yesu onimulevela
muthiyana namararuwa*

8 ¹Nto Yesu ahirowa o mwa-ko wihaniwa Olivera. ²Vaxakaru, ahipeherya ahokolo-welaka mpani mwa Muluku. Atthu outhene yahimwattamela yowo. Yesu ahikilathi, khupa-jerya owixuttiha. ³Vano, awi-xuttihi a ikano n'aFarisi yahi-mruhela muthiyana mmosá, aphwanyiwe araruwaka; yahi-mwemexa muthiyan'wo eri-yari, ⁴khumuhimerya Yesu wira:– Pwiya, muthiyan'ola o-phwanyiwe araruwaka. ⁵Ikano sa Moisesi sinniruma owiva ni maluku athiyana sisa. Man-khi nyuwo munihimya-ni? ⁶Awo yahimukoha siso, wira emwehererye, ephavelaka mulattu w'omotherapy. Nto Yesu ahùrama, khukelela ole-pa vathi n'ikatha. ⁷Atthu awo yanithipelela omukoha. Tivó, Yesu ahemela, khwahimerya wira: – Akhalá mutthu a nyu-

wo ohirina etampi, yowo a-khale muraji onvonya nluku muthiyan'ola. ⁸Ahùrama-tho, anavira alepaka vathí. ⁹Vaiw-alyaya siso, atthu ale yahipajerya ovenya-vo, mmosá-mmosa, epajeryaka anakhu-lo. Khuhalala Yesu ni mu-thiyan'wo pahi, emenlene sisale vavale. ¹⁰Yesu ahemela orattene, khumukoha muthiyan'wo, iraka: – Muthiyana nyu! Atthu ale ari vai? Khavo òhukhumalen? ¹¹Khwakhula wira: – Khavo, Pwiya. Yesu ahi-muhimerya wira: – Ni miyo nkinohukhumuni. Muroke: nto okhuma olelo va muhitthe-ké-tho.

Yesu ti warya w'olumwenku

¹²Yesu ahilavulana-tho att-hu ale, iraka: – Miyo ki muthu-ko w'olumwenku. Ole oniki-thara miyo onokhalana warya onivaha ekumi: owo khanetta-tho mwepiphini. ¹³AFa-risi yahimuhimerya wira: – Nyuwo munikhalela onamo-na mmansinyu: onamon'a-nyu khuhiyó etthu! ¹⁴Yesu ahiwakhula wira: – Hatá ki-khalelaka onamona kimwa-

nene, onamon'ak'ola ti w'ekekhai: okhala wira miyo kin-nisuwela okhumalyaka n'oni-kelaka! Vano nyuwo khamun-suwela okhumalyaka, nnákhala onkelaka.¹⁵ Nyuwo mu-nilamula muttharaka makha-lelo a atthu: miyo wekekhai, okhala wira nkinlamula me-khaka: kinlamula ti miyo va-mosá n'Atithi akirumme.¹⁷ Ika-no sanyu sinihimya wira ana-mona anli yahimyaka etthu e-mosaru, etthu iyo ti y'ekekhai.¹⁸ Vano, miyo kinnikhalela onamona mmansaka, nave Atithi akirumme annikikhalela-tho onamona.¹⁹ Awo yahimukoha wira: – Atith'inyu ari vai? Yesu ahiwakhula wira: – Nuywo khamunkisuwela miyo, nnákhala khamunasuwela Atithi. Mwakisuwenle miyo, mwamwasuwela-tho Atithi.

²⁰ Yesu ahahimya molomo ala axuttihaka mpani mwa Mu-luku, – nipuro na muhakhu. Khavo anvanre, okhala wira o-kathi awe nlelo khiwaphiyale.

***"Weiwo miyo kinrowaka,
nyuwo khamuniwerya
ophiya"***

²¹ Yesu ahahimerya-tho wira:

– Miyo kinorowa. Nyuwo mu-nokiphavela, muhikiphwanyé: munimokhwa mwa itampi sa-nyu. Weiwo onrowaka miyo, nyuwo khamuniwerya ophiya-wo.²² AYuda yanikohana wi-ra: – Exen'iyo enihimywae wi-ra: "Weiwo onrowaka miyo, nyuwo khamuniwerya ophi-yawo"? Khino onrowa wisiva?²³ Yesu ahahimerya wira: – Nyuwo mwa'atthu a vathí-va: miyo ki mutthu a wirimu. Nyuwo mwa'atthu a molu-mwenkuni-mu: miyo nkhiyó a olumwenku yola.²⁴ Tivó miyo konimenryakani wira: "Nyuwo munimokhwa mwa itampi sa-nyu". Tthiri, mwahamini wira miyo t'ule onikhala, vekekhai munimokhwa mwa itampi sa-nyu.²⁵ Awo yahimukoha wira: – Nyuwo mwà pani? Yesu ahi-wakhula wira: – Miyo ti yole ko-himenryakani okhuma wopa-jeryani:²⁶ Kihana sinjene s'ohi-myia ni s'olamula mwaha wa nyuwo. Nto ole okirumme t'è-kekhai: ni Miyo kinnilaleya mu-laponi-mu itthu seiyo simwiwa-lyaka owo.

²⁷ Awo khiyàsuwenle wira à-himerya mwaha w'Atithi.²⁸ Ti-

vó, Yesu ahahimerya-tho wira:
 – Okathi onrowanyu omukho-mela Mwana a Mutthu, munosuwela wira miyo t'ule onikhala. Munosuwela-tho wira miyo nkiníra etthu mekhaka: miyo kinnilaleya itthu sikixuttihal-yaya Attihi pahi.²⁹Ole okirum-me ori ni miyo: Khakihiyalé mekhaka, mana mahiku othe-ne miyo kinira etthu sinimusivela.³⁰Mwaha w'olavula siso, atthu anjene yahimwamini yowwo.

Ekekhai ennimopola mutthu”

³¹Vano Yesu ahahimerya a Yuda yamwamini wira: – Nyuwo, mwalipiheryá wami-ni molumo aka, vekekhai munokhala awixutti aka;³²mu-nosuwela ekekhai, ekekhai yevo enowopolani. ³³Awo yahimwakhula yiraka: – Hiyo nri a nloko n'Abrahamu: khinakhanle ipottha sa mutthu. Vano nyuwo munihimya sai wira: Munimopoliwa? ³⁴Yesu ahahimerya wira: – kinolèlani ekhweli wira: othene anira etampi, ari ipottha s'etampi. ³⁵Epottha khinkhala vatthoko-

ni mahiku othene: mwana t'onikhala-vo mahiku othene. ³⁶Tivó, Mwana awopolani, tthiri munokhala anethi. ³⁷Miyo kosuwela wira mw'à nloko n'Abrahamu. Nto nyuwo kha-munakhelela molumo aka: hatá khiyaphavela okiva.³⁸Miyo kinihimya itthu sònalyaka w'Atithi: nave nyuwo munira itthu mwiwalyanyu wa tith'i-nyu.

“Tith’inyu ti Satana”

³⁹Awo yahimuhimerya wira: – Tith'ihu t'Abrahamu! – Mwà-ri àna a Abrahamu, nanso mwireke siralyawe Abra-ham'uwo.

⁴⁰Nto nyuwo muniphavela okiva, okhala wira kihohime-ryani ekekhai emwiwalyaka Muluku. Abrahamu khirale ntoko sinìranyu. ⁴¹Nyuwo mu-nivara miteko so tith'inyu. Awo yahimwakhula wira: – Hiyo khanihiyó ana òraruiwa. Hiyo nrina tith'ihu mmosá pahi: Muluku! ⁴²Yesu ahiwire-la: – Tith'inyu àri Muluku, nyu-wo mwamukiphenta: okhala wira vekekhai kikhummé wa Muluku: miyo nkilakenle orwa:

Atithi t'akirumme.⁴³Muhiniwe-la-ní sinihimyaka? Mana mu-hojela owiriyaná molumo a-ka.⁴⁴Tith'inyu ti Satana: nyu-wo munitthuna wira sintthu-nawe tith'iny'uwo. Owo ti mu-lipówiva okhuma wopajerya-ni. Owo khanakhale n'ikekhai, okhala wira mwa yowo khivo ekekhai. Óthaka, onettela ma-khalelo awe: tthiri uwo mulip-òwotha ni tithi awe wothá.⁴⁵Vano miyo kinlavula ekekhai; tivó nyuwo muhnikaminanyu.⁴⁶Ti pani a nyuwo oniwerya okiphwanyana etampi? Vano, miyo kihimyaka ekekhai, muhnikaminela-ní?⁴⁷Ole on-khuma wa Muluku, onniwiri-yana sinihimywae Muluku. Vano nyuwo khamunkhuma wa Muluku: tivó muhiniwiriyanu sinihimywae Muluku.

Abrahamu ahinatthi okha-la, miyo t'ule onikhala

⁴⁸AYuda yahimuhimerya wi-ra: – Hiyo khannotha nihimyaka wira mwà muSamariya ni wira muri ni Satana! ⁴⁹Yesu ahiwakhula wira: – Miyo nki-na Satana! Miyo kinattittimi-ha Atithi: nto nyuwo munni-

khotta okittittimiha. ⁵⁰Vano miyo nkiniphavela ovuwihi-wa: òkhala onikivuviha, oni-kilamula.⁵¹Kinohimeryani eke-khai wira: ale anettela molumo aka, khankwa-tho.⁵²AYuda yahimuhimerya wira: – Vano nosuvelexa wira muri ni Satana. Abrahamu òhokhwa, maprofeta àkhwasa-tho. Vano nyuwo munihimya sai wi-ra: “Ale anettela molumo aka, khankhw-a-tho”? ⁵³Tith'ihu Abrahamu ohòkhwa: nyu-wo munikhaliha mulupale onvikana yowo? Maprofeta yawo-tho ahokhwa: nyuwo munisira pani?⁵⁴Yesu ahiwakhula wira: – Miyo kaivuwi-haka mmansaka, ovuwa wa-ka nno khuhiy'etthu. Atithi t'anikivuviha, yawo munahi-myanyu wira Muluku anyu.⁵⁵Nto nyuwo khamunimusu-wela: miyo kinnimusuwela. Kahimyá wira nkinimusuwe-la, kinnettela molumo awe.⁵⁶Abrahamu, tith'ihu, ahitteli-wa murima vanjene arorome-laka wona nihiku naka: ohò-na tthiri, khusareya otteliwa murima. ⁵⁷AYuda yahimuh-

merya wira: – Nuywo nlelo khamunatthi ophiya iyakha miloko mithanú: mmonne sai Abrahamu? ⁵⁸Yesu ahiwakhula wira: – Kinolèlani ekekhai wira: Abrahamu ahinatthi okhala, miyo t'ule onikhala. ⁵⁹Nananoru yahittotta maluku wira envonyakase: nto Yesu ahipitha, khukhuma mpani mwa Muluku.

Yesu oninvoniha mulopwana ayariwe ohònene

9 ¹Yesu ahivira ettaka, khu mona mulopwana mmosá ayariwe ohònene. ²Awixutti awe yahimukoha wira: – Pwi ya, ola ahalaka oyariwe ohònene, otthenke tuvi? Otthenke mmansawe, walá atthenke alipa amuyanre? ³Yesu ahiwakhula wira: – Ola khatthenke, hatá alipa amuyanre khatthe nke. Ohona iwo okumelenle wira mwa mutth'ula woneye o werya wa Muluku. ⁴Othana sisá, kihana ovará miteko s'A tithi akirumme. Ohiyu onnattamela, ohinweryawe mutthu ovará muteko. ⁵Okathi wothe ne onkhalaka molumwenku-

ni, miyo ki warya w'olumwenku. ⁶Ahimyakaru siso, ahisenyerya vathí, ahethuya ettaya ni mar'awe, khuttikitthela maitho a mulipa-òhon'owo. ⁷Numalá ahimwirela: – Rowani, mwakhuse vatthiyani n'o Silowé. (Silowé enihimya wira: "Orummwe"). Mulipa-òhona ahirowa, ahikhusa, khuhokolo-wa ònaka.

⁸Anamwattamanani awe n'ale yamonne avekelaka esimola mpakha nihiku nle, yanikohana yiraka: – Ola khahiyó yole akilathi anavekela esimola? ⁹Akina yanihimya wira: – Ti yowo! Akina yanira: – Khahiyó: onolikanana. Mwanene anihimya wira: – Ti yomimi! ¹⁰Vano atthu yahimukoha wira: – Nanso maitho anyu attukunwe sai? ¹¹Owo ahakhula wira: – Mulopwan'ole, onihaniwa Yesu, etheiye ettaya, akisirikela maitho, khu kihimerya wira: "Rowani o Silowé, mwakhuse", Miyo kahrowa, kahikhusa, khupajerya wona. ¹²Awo yahimukoha-tho wira: – Owo ori vai? Khwakhula wira: – Kahiki!

*MaFarisi animukoha
mutth'ule ovonihiwa*

¹³Mulopwan'owo avonihiwe ahirowaniwa w'aFarisi.
¹⁴Nihiku nle Yesu netheyalya-we etthaya, khumutthukula maitho mulipa-òhona, nari esábadu. ¹⁵Nave, aFarisi ya-wo yahimukoha-tho wira:
 – Otthukunwe sai maitho?
 Owo ahiwakhula wira: – Owo etheiye etthaya, akisirikela maitho: vano miyo n'okhusa, khíyona. ¹⁶AFarisi akina yanihimya wira: – Mulopwan'owo khahiyó mutthu a Mulu, okhala wira khantittimiha nihiku n'asábadu. Vano akina yanihimya wira:
 – Àri mulipa-òttheka, awerya sai wira mitikiniho sisa?
 Khíyavanyihana yaworu.

¹⁷AFarisi yahimukoha-tho mulipa-ahona, wira: – Khi weyo, onihimya-ní sa yole òtthukunle maitho? Khwakhula wira: – Ti profeta. ¹⁸Vano makhulupale awo khiyàmini wira owo ari mulipa-òhona, arovonihiwa: tívó yahiwihaniha alipa amuyanre,
¹⁹khwakoha wira: – Ola mwaninyú? Ekekhai wira oyariwé

ohònene? Vano-nto opajen-rye sai wona? ²⁰Atithi awe n'a-me awe yahiwakhula wira:
 – Hiyo nosuwelexa wira ola mwan'ihu, ni wira oyariwé ohonene. ²¹Mavonelo awe khaninsuwela; hatá onvoni-hale, khannimusuwela. Mmu-koheke mwanene yowo: owo mulwene, onniwerya olavula mmansawe. ²²Atithi awe n'a-me awe ehalaka wakhula si-so, yawova makhulupale à-Yuda: ttiri, makhukupale awo yahiwana omomola mmu-lokoni mwaya mutthu ti mutthu akela ohimya wira Yesu ti Kristu. ²³Tívó, atithi awe n'a-me awe vakhunlyaya wira: “Owo mulwene: mmukoheke mwanene”.

²⁴AFarisi yahimwihana-tho ole ahona, khumwirela: – Oni-himerye ekekhai va maithoni va Mulu. Hiyo nosuwela wira mulopwan'owo natampí. ²⁵Owo ahakhula wira:
 – Àri natampi, miyo niksuwe-la. Kinsuwelaka, etthu emosa pahi: khalai nkona, vano kin-nona. ²⁶Awo yahimukoha wi-ra: – Owo owirihale exeni?
 Otthukunle sai maitho awo?

²⁷Khwakhula wira: – Miyo ki-holèlani omosà, nyuwo khu-hittuna wiwa. Muniphavele-laní-tho wiwa? Khino nyuwo-tho muntthuna okhala awi-xutti awe? ²⁸Awo yahimuru-wana, yiraka: – Mwixutti awe ti weyo! Hiyo n'awixutti a Moi-sesi. ²⁹Hiyo nosuwela wira Muluku ahimulavuliha Moi-sesi. Van'owo khanisuwenle onikhumawe-wo. ³⁰Mulopwan'ole ahiwakhula wira: – Vanitikiniha ti vavo: nyuwo kha-musuwenle onikhumawe-wo, nto yowo t'okitthukunle mai-tho. ³¹Hiyo nosuwela wira Mu-luku khaniwiwa anatampi. Muluku oniwiwa ale animuttit-timiha, enettela sintthunawe. ³²Okhuma vapajenryaya olu-mwenku, khinnaiwe wira mu-tthu otoko omutthukula mai-tho mulipa-òyariwa ohònene. ³³Owo ahakhanle mutthu a Muluku, khawerya wir'etthu. ³⁴Awo yahimwakhula wira: – Weyo oyariwe osareiyene itampi, vano omphavela oni-xuttiha hiyo? Khumomolela otá.

Ohona wa eroho

³⁵Yesu ahiwa wira mulopwa-na ole ahòmoliwa. Vano va-mphwanyalyawe, ahimuko-ha wira: – Nyuwo munni-mwamini Mwana a Mutthu? ³⁶Khwakhula wira: – Pwiya, ti pani uwo, wira kimwaminiki? ³⁷Yesu ahimuhimerya wira: – Nyuwo munnimona: ola on-lavula ni nyuwo, ti yowo. ³⁸O-wo ahimwakhula iraka: – A-pwiya, kihamini! Ahimyakaru siso, khumukokhorela Yesu.

³⁹Vano Yesu ahimuhimerya wira: – Miyo kirwiye olu-mwenk'ula wira kilamule: ali-pa-òhona yoneke, vano ale anisùpuwela wira annonà e-khale alipa-òhona yoneke, vano ale anisùpuwela wira annona ekhale alipa-òhona.

⁴⁰AFarisi akina, yari ni Yesu, vaiwalyaya siso, yahimuko-ha wira: – Khino ni hiyo-tho n'àlipa-òhona? ⁴¹Yesu ahiwa-khula iraka: – Mwari alipa-ò-hona, khamwakhalana ita-mpi. Vano, okhala wira mu-nnihimya wira: “Hiyo ninno-na”, etampi anyu khimmala.

*Nlikanyiho na makampusi
n'ipuri sawe*

10 ¹Yesu ahahimerya att-hu wira: – Kinohimer-yani ekekhai: ole onira akelaka munisisini muri ipwittipwithi, khuhiyàvira vamukhora, khì-yatupa nipuro nikina, owo na-wiye, mulavilavi. ²Vano, ole on-vira va mukhora t'ukhanle makampusi a ipwittipwithi. ³Mulipa a mukhora onimu-hulela yola. Ipwittipwithi sin-nisuwela nsu nawe: tthiri makampusi onnihana ipwittipwithi siri sawawe, khula emosa nsina naya, khukumi-heryaka vaté. ⁴Numalá oku-miha ipwittipwithi sawe so-thene, onniholela, n'iyo si-nnimutthara ottuli, mutthu si-nimutikhinaya: ohiya vo, si-no-mutthyawa, mana khasinsu-wela nsu na mutthu mukina.

⁶Yesu ahahimerya nli-ka-nyiho nla: vano awo khiyài-wale etthu aphavelawe wa-lèla.

*Yesu ti makampusi òrera
murima*

⁷Tivó Yesu ahahimerya-tho wira: – Kinolèlani ekekhai wi-

ra: miyo ka mukhora wa ipwi-ttipwithi. ⁸Othene ale arwiye miyo kihinatthi orwa, anawi-ye n'alavilavi. Vano ipwitti-pwitthi khisawìwelenle. ⁹Miyo ka mukhora: ole onkela aviraka mwa miyo, onimopo-wa: owo onokela, onokhuma, onophwanya yolya. ¹⁰Nawiye onirwela wiya ni wiva n'opwe-texa pahi. Miyo kirwiye wira atthu ekhalane ekumi, ekumi yomalela. ¹¹ – Miyo ka ma-kampusi òrera murima. Ma-kampusi òrera murima onnile-va ekumi awe mwaha wa ip-wittipwithi sawe. ¹²Vano, na-muteko òliviwa, yowo ohikhan-le makampusi, nave ipwitti-pwitthi sihikanle sawawe, mwiji onnivara, onnihiya ipwittipwithi sihikanle sawawe, mwiji onnivara ipwittipwithi, sikina khumwareya. ¹³Tthiri namuteko onliwiwa omphave-la wakhela pahi: khanthokor-erya ipwittipwithi iye, ¹⁴⁻¹⁵Miyo ka makampusi òrera mu-rima. Ntoko Atithi sinkisuwe-laya miyo, ni ntoko miyo ki-nasuwelaka Atithi: siso-tho miyo kinnisuwela ipwittipwithi saka n'iyo sinnikisuwela mi-

yo. Miyo kinnileva ekumi aka mwaha wa ipwittipwitthi saka.
¹⁶Kokhalana-tho ipwittipwitthi sikina sihikhanle ntoko nena: seiyo-tho kihana othukumanya. Iyo sinimwiwa nsu naka: siso ninrowa okhalaka nikoto nimosa ni makampusi aya mmosa.

¹⁷Atithi annikiphenta: tthiri miyo kinnileva ekumi aka, wira kiphwanye-tho ekumi yeo.
¹⁸Khavo onwerya okakha ekumi aka: ti miyo mwanene kinleva votthuna waka. Miyo kokhalana owerya w'oleva ekumi aka: kokhalana owe-rya w'okuxa-tho yeo. T'siso sirummwaka n'Atithi.

¹⁹AYuda yahivanyihana-tho mwaha wa molumo ala. ²⁰Anjene a yawo yanihimya wira: – Ola ori ni Satana. Miruku sommalela. Munimwiwelan? ²¹Akina yanihimya wira: – Mutthu ori ni Satana khanlavula sisa. Khino Satana onowerya watthukula maitho alipa-òhona?

AYuda animukhotta Yesu

²²Mahiku ene yawo, o Yerusalemu nahikhala nira nulu-

pale n'otthapeliwa empa ya Muluku Yari eyita.²³Yesu anetteta mpani mwa Muluku, niphiryo na Salomoni.²⁴Ayuda yahimurukurerya, khumwirela wira: – Munnikuwa mpakha lini? Nyuwo mwàri Kristu, munihimerye oratene, muhinikhuwé.²⁵Yesu ahiwakhula wira: – Miyo kihohimeryani: nyuwo khuhamini. Miteko sinivaraka n'uwerya w'Atithi, sinnikhalela onamona.²⁶Nto nyuwo khamunamini, okhala wira khamuhiyó ipwittipwitthi saka.²⁷Ipwittipwitthi saka sinniwa nsu naka: miyo kinnisuwela seiyo, n'iyo sinnikitthara. ²⁸Miyo kinnivaha seiyo ekhumi yohimila: tivo khasinrimela-tho. Khavo onrowa okakha seiyo mmatatani mwaka.²⁹Atithi akivahale ipwittipwitth'iya t'alupalexia owavikana atthu othe-ne: khavo oniwerya owakha ipwittipwitthi mmatatani mwaya.³⁰Miyo n'Atithi nri mmosaru.

³¹AYuda yahittotta-tho maluku wira empwexakasane.

³²Vano Yesu ahahimerya wira: – Miyo kowoniheryani mi-

teko sinjene sorera, kivanryaka n'uwerya w'Atithi: mwaha wa muteko xeni muntthunu-nyu okivonyerya maluku? ³³AYuda yahimwakhula yiraka: – Khahiyó mwaha wa muteko anyu worera nintthuna-hu wovonyeryani maluku. Nnovonyeryani mwahá w'o-nveha Muluku: tthiri nyuwo, mukhalaka mutthu, munipa-ka Muluku mmansinyu. ³⁴Ye-su ahahimerya wira: – Solempwa sanyu sinihinya wira: "Miyo kohimya wira: Nyuwo mw'ämuluku". ³⁵Solempwa sene khasinwerya ottipihiwa. Vano Muluku awihannene amuluku yawo alalèriwa molumo awe, ³⁶votepa miyo: Mu-luku òkithanla, khukiruma orwa molumwenkuni-mu. Nto nyuwo munihimerya-ní wira miyo kininveha Muluku, kira-ka: "Miyo ki Mwana a Mulu-ku"? ³⁷Miyo kahivareke miteko s'Atithi aka, muhikaminiki. ³⁸Nto kavarakaru seiyo, mwa-hikaminiki miyo kimwanene, mukupaliki mano miteko sa-ka. Siso munimona ni mun-suwelexa wira Atithi ari ni mi-yo, ni wira miyo kiri n'Atithi.

³⁹AYuda yahiphavela-tho onvara: vano Yesu ahirapela mmatatani mwaya.

⁴⁰Yesu ahihokolowela-tho ekhopela ekina ya muró Yor-dani nipuro Yohani warapi-hawe khalai, khukhala wei-wo. ⁴¹Atthu anjene yanirowa okumana ni yowo, ehimyaka wira: – Yohani khirale sotiki-niha: vano sothene Yohani uwo sahimywae sa Yesu ti se-kekhai. ⁴²Siso, mapuro awo, atthu anjene yahimwamini yo-wo.

Okhwa wa Lázaro

11 ¹⁻²Muttetthe w'o Bethania ahikhala mulop-wana ihaniwa Lázaro, akha-la n'axirokor'awe anli: Maria ni Martha. Maria owo ti yole amuttikitthenle Yesu makhu-ra òwunkhela, khupuputtha inawu n'ikharari sawe. Láza-r'owo ahiwereiwa, ³vano axi-rokor'awe awo òwani yahi-ruma ohimeriwa Yesu wira: – Pwiya! Mpathan'inyu ono-wereiwa. ⁴Vaiwalyawe siso, Yesu ahira: – Erett'eyo khini-mwiva: nto enothonyerya o-vuwa wa Muluku, wira avu-

wihewe-tho Mwana a Muluku mwaha wa yeo.

⁵Yesu anaphenta atthu awo òraru: Martha ni Maria, munn'awe, ni Lázaro. ⁶Amwaphentaru, vaiwalyawe, wira Lázaro anwereiwa, ahilekela mahiku manli nipuro nenlo naryawe. ⁷Vavinryaya mahiku awo manli, ahahimerya awixutti awe, wira: – Nrowé, ni hokolowelé-tho o Yudeya.

⁸Awixutti awe yahimuhimerya wira: – Pwiya, mahiku ene yala AYuda yaniphavela wopwexakasani ni maluku: vano munthuna orowa-tho weiwo? ⁹Yesu ahahimerya wira: – Othana khukhalanne iwora mulokó ni pili? Mutthu ettaka othana, onnikulukupha ixa, mana onnona warya onimwalela elapo. ¹⁰Vano, ettaka ohiyu, onnikela vexani, okhala wira khuvo warya mwa yowo. ¹¹Numalá olavula siso, ahahimerya wira: – Mpatthan'ihu Lázaro, onorupa: vano kinrowa onvenxa. ¹²Awixutti awe yahimuhimerya wira: – Pwiya! Akhalá wira onorupa, onovona! ¹³Yesu ahimya okhwa wa Lázaro: nto

awixutti yanyiherya wira ahimya orupa wa ikhove. ¹⁴Vano Yesu ahahimerya oratene wira: – Lázaro ohòkhwa. ¹⁵Nto kotteliwa murima mwha w'ohikhala-wo ni mwaha wa nyuwo, wira mwamini. Vano, nrowé wa yowo. ¹⁶Tomé, i-haniwa Maphapo, ahahimerya akhw'awe wira: Ni hiyo nrowé, nakhwé vamosá n'Apwiya!

Yesu ti ohihimuwa ni ti ekumi

¹⁷Aphiyakaru o Bethania, Yesu ahilèliwa wira Lázaro avithiwe masuri aya. ¹⁸O Bethania warekamenle o Yerusalemu wattamela ikilomo ttharu. ¹⁹Ayuda anjene yahirawa omuxekurya Martha ni Maria, wira yahakalalihe mwha wa murokor'aya. ²⁰Martha, vaiwalyawe wira Yesu ahanle ophiya, ahivenya orowa omuthikitthela. Maria ahanle aki-lanthene owani. ²¹Martha ahimwirela Yesu: – Pwiya! Nyuwo mwàri vava, murokor'aka khakhwá. ²²Vano-nto kosuwela wira Muluku onimovahani sothene sintthunanyu onvekela. ²³Yesu ahimuhime-

rya wira: – Murokor'inyu onohihimuwa mokhwani. ²⁴Martha ahimwakhula wira: – Miyo kosuwela wira onohihimuwa nihiku nokiserya, atthu othenere yahihimuwaka. ²⁵Yesu ahimuhimerya wira: – Miyo ki ohihimuwa ni ki ekumi. Ole onikamini miyo, hatá anakhwaru, onokhala-tho mu-kumi. ²⁶Vano ole onetta eku-mi, onikamini miyo, khan-khwa-tho, Nyuwo munna-mini etthu ila? ²⁷Owo aha-khula wira: – Ayo, Pwiya! Miyo kinnamini wira nyuwo Kristú, Mwana a Muluku, yowo atthuna orwa molumwenku-ni-mu.

haka, vamonalyaya akhuma-ka n'urowa ni wakuva, yahimutthara: yanyiherya wira a-rowa wunla omahiye.

³²Maria, vaphiyalyawe ni-puro nari Yesu, amonakaru, ahikokhora va metthoni vawe iraka: – Pwiya! Nyuwo mwà-ri vava, murokor'aka kha-khwá! ³³Yesu, vamonalyawe Maria anlaka n'aYuda ya-rwanawe yinlasaka, ahimo-riwa ikharari ni winiwa mu-rima. ³⁴Numalá, ahakoha wi-ra: – Munvithale vayí? Awo yahimwakhula wira: – Pwiya, murwé mone. ³⁵Okathi uwo Yesu ahinla. ³⁶AYuda yahihimerya wira – Mmoneke mota omphenta! ³⁷Vano akina a yawo yihira: – Ola, amutthu-kunle maitho mulipa-òhona, khawerya wira Lázaro ahi-khwé?

Yesu onimunlela Lázaro

²⁸Ahimyakaru siso, Martha ahivenya arowaka omwiha-na munn'awe ole, Maria khu-muhimerya wiphini wira: – Apwiya ahorwa, anowiha-nani. ²⁹Iwakaru siso, Maria ahivenya nananoru, khutthi-makela wari Yesu. ³⁰Yesu ira ahiphiyale mmuttettheni: ari-nlelo nipuro nenlo Martha namphwanyalyawe. ³¹Ayuda yari owani ni Maria emmàli-

Yesu onimuhihimuxa Lázaro

³⁸Yesu ahiniwa-tho murima arowaka omahiye. Nari nikhu-kú, nattiyeliwe ni nluku va mu-khora. ³⁹Yesu ahira: – Muku-mihe nluku nla. Martha, mu-rokor'awe Lázaro akhwiye, ahimuhimerya wira: – Pwiya,

onninkha, Ovithiwé masuri.
40 Yesu ahimwakhula wira:
 – Nkhohimenryeni wira, mwa-
 miní vale, munimona ovuwa
 wa Muluku? **41** Nluku khuku-
 mihawa. Vano Yesu, awehaka
 wirimu, khwira: – Tithi, kinno-
 xukhuruni, mana mokiwele-
 la. **42** Kosuwela tthiri wira ma-
 hiku othene munniwelela:
 vano okilavulinhe sisa mwa-
 ha w'atthu ala arukurenrye-
 va, wira yamini wira ti nyuwo
 mukirumme. **43** Ahimyakaru si-
 so, ahikhuwela n'ikuru, khwi-
 ra: – Lázaro, mukhumele otá
 nno! **44** Mulipa-òkw'ovo khu-
 khuma, tthiri, atthukiwene n'i-
 kuwo matata n'inawu, akhu-
 neliwene owitho ni nleso. Ye-
 su ahiwirela atthu: – Mmuta-
 phule, mmuhiye aroweke.

Ayuda annivanelela omwiva Yesu

(Nwehé-tho Mat. 26:1-5;
 Mar. 14:1-2; Luk. 22:1-2)

45 Ayuda anjene, yarwiye omu-
 xekurya Maria, vonalyaya itt-
 hu siralyawe Yesu, yahimwa-
 mini yowo. **46** Vano akina ya-
 hirowa okumana n'aFarisi,
 khwahimryea itthu siralyawe

Yesu. **47** Alupale a anamukut-
 tho n'aFarisi, khwahimryea
 itthu siralyawe Yesu. **47** Alupale
 a anamukuttho n'aFarisi ya-
 hithukumana wira evanele,
 khwira: – Mulopwan'ovo onni-
 ra sotikiniha sinjene. Nire
 sai? **48** Namuhiyá sisa, atthu
 othene anrowa omwaminiki
 yowo: aRoma animorwa, ano-
 pwexakasa empa ya Mulu-
 ku, nave anopwetexa nloko
 nahu. **49** Mmosá a yawo, iha-
 niwa Kaifa, ari mulupale a a-
 namukuttho eyakh'eyo, aha-
 himryea wira: – Nyuwo kha-
 munsuwela etthu! **50** Khamu-
 nona wira vanrerela mutthu
 mmosá pahi àkhwele atthu
 othene, wira nloko nothene ni-
 hipweyé? **51** Van'ovo khahi-
 mmye etthu ila volaka: okha-
 la wira ari mulupale a ana-
 mukuttho a eyakh'eyo, ari-
 mùpxeriwa ni Muluku ohim-
 ya wira Yesu ahana wakhwela
 atthu a nloko na Isarayeli:
52 hatá khahí wakhwelaru att-
 hu a Isarayeli pahi, nave-tho
 wira athukumanye àna othe-
 ne a Muluku yamwareiye, e-
 khalé nloko nimosa. **53** Nihiku
 nenlo, aYuda ti yaiwanannya-

ya omwiva Yesu.⁵⁴Tivó Yesu khetta-tho òniwaka elapo y'a-Yuda: ahivenya weiwo aro-waka elapo yowattamela wo-thakoni, muttetthe wihaniwa Efrayimi, khukhala weiwo va-mosá n'awixutti awe.

⁵⁵Vano Paxikowa, nira n'a-Yuda, ari vakhiviru: tivó athu anjene yanivenya ilapo saya, erowaka o Yerusalemu ahina-thhi Paxikowa owo, wira ereri-hiwe. ⁵⁶Atthu awo yanimpha-vela Yesu. Enari mphani mwa Muluku, yanikohana yiraka: – Nyuwo munona sai? Owo onorwela nira nla? Walá khan-rwa? ⁵⁷Alupale a anamukut-tho n'aFarisi yahiruma wira, akahalá mutthu àsuwela waryawe Yesu, àhimerye, wira atthukiwe.

Yesu ontikittheliwa makhura

(Nwehé-tho Mat. 26:6-13;
Mar. 14:3-9)

12¹Mahiku mathanu na mosa nihinatthi nira na Paxikowa, Yesu ahirowa o Bethania, weiwo waryawe Lázaro, yowo Yesu amuhimulyawe mokhwani.²Yesu ahi-

vahiwa yolya. Martha t'amurumela. Lázaro ahikilathela olya vamosá ni Yesu n'atthu yalattuliwe. ³Vano Maria ahi-kuxa murinki wosareya ma-khura òwunkhela, yihaniwa "nardo", òrerexa n'òrikexa, khuttikitthela ni makhur'awo inawu sa Yesu, khupuputtha n'ikharari sawe. Mpani mothe-ne mwahisareya wunkhela iwo. ⁴Vano mmosá a awixutti awe, ihaniwa Yuda Isikaryoti, yowo arowa onvariha Yesu, ahira:⁵ – Makhur'ala ahitumi-heriwe-ni musurukhu mwin-jene, ekaweliwa alipa-òhawa? ⁶Owo khalavula siso vo-wathokorerya alipa-òhawa, nnari: owo ari nawiye. Yowo t'asuka murupa, aniya mu-surukhu waheliwa-ma. ⁷Yesu ahimuhimerya wira: – Muhi-nvelavelihé. Muhiyeni asuke-rye nihiku n'ovithiwa waka. ⁸Alipa-òhawa munokhalana mahiku othene: nto miyo nkinkhala ni nyuwo mahiku othene.

AYuda anilamula omwiva Lázaro

⁹AYuda anjene yahisuwela

wira Yesu ari o Bethania, khurowa weiwo. Vano, khiyàro wenle omona Yesu pahi: yarowenle-tho omona Lázaro, yowo Yesu amuhihimuxalya-we mokhwani.¹⁰Vano alupale a anamukuttho yahivarihana omwiva-tho Lázaro,¹¹okhala wira aYuda anjene, mwaha wa yowo, yanimwala ni yawo, khiyamwamini Yesu.

Yesu onikela o Yerusalemu

(Nwehé-tho Mat. 21:1-11; Mar. 11:1-11; Luk. 19:28-40)

¹²Mmeloni mwaya, muttithi mulupale w'atthu yarwiye onirani wa Paxikowa, vaiwalaya wira Yesu ahanle ophiya o Yerusalemu,¹³yahiwonyla makukhu a kororo, khuvenya erowaka okumana, ekuwelaka wira: – Muluku avuwihewe! Attottopeliwe owo onrwa ni nsina n'Apwiya n'u-khanle mwene a Isarayeli!¹⁴Yesu ahimphwanya mwabùru, khuwela, ntoko silempwaya wira:¹⁵"Nyubo atthu ò Yerusalemu, muhòvé! Mòneke: mwené anyu onnorwa anwenlene mwabùru".¹⁶Awi-

xutti awe khiyùpuwenle molumo ala okathi ene yowo: vano, numalá Yesu ovuwihiwa ti yupuwenlyaya wira yalempwe siso sa yowo ni wira Yesu ahìreliwa ti yupuwenlyaya wira yalempwe siso sa yowo ni wira Yesu ahìreliwa siso tthiri.¹⁷Vano, atthu othene yari ni yowo okathi wamwihanawe Lázaro mmahiye, amuhihimuxaka mokhwani, yanilaleya eththu ila yonalyaya.¹⁸Ti vavo muttitthi w'atthu varowalyaya okuma-na ni Yesu, okhala wira wahawa yotikinh'eyo yiralyawe.¹⁹Vano aFarisi yahihimeryana wira: – Munnona va, wira khamunwery'etthu? Mone: atthu othene animutthara yowo!

aGresia aniphavela omona Yesu

²⁰Mw'atthu yaronwe o Yerusalemu omukokhorela Mulu-ku mahiku a nira nle, yahikhala-vo aGresia akina.²¹Awo yahirowa olavulana Filipe (ari a elapo y'o Bethisada w'o Galileya), khunvekela wira: – Napwiya! Nimpheve-

la omona Yesu. ²²Filipe ahirowa omuhimerya Andreyo: òwanli aya yahirowa omuhimerya Yesu. ²³Yesu ahiwakhula wira: – Okathi w'ovuwihiwa Mwana a Mutthu wophiya. ²⁴Kinohimeryani ekekhai wira: epyó y'etrigu yamorela vathi, khuhikhwá enikhalala emosaru yevo pahi. Vano epyó eyo yakhwá, ennima mi-hokorokho sinjene. ²⁵Ole oniphenta ekumi awe, enomurimela: vano ole onleva ekumi awe vathí-va, onosukerya ekumi yohimala. ²⁶Akhalá onthuna okirumela, akitthareke miyo: weiwo onrowaka okhala miyo, nave-tho arumeyi aka anrowa okhalaka weiwo. Akhalá mutthu onikirumela, Atithi aka anomuttittimiha.

Yesu onihimya okhwa wawe

²⁷– Vano murim'aka wòkina. Vano, kihimyé exeni? Kihimyé wira: "Tithi! Mukakiherye okathi ula w'ohawa"? Nto, ohawa wenco kirwenlyaka okathi ula. ²⁸Tithi, nnuwihe nsina ninyu! Okathi yowo nsu nähikuma wirimu, nihimyaka

wira: – Kovuwiha, nave kinovuwiha-tho.

²⁹Atthu yari vavale, yiwaraku nsu nlo, yahihimya wira: – Iwo okukutteya! Akina yanihimya wira: – Nlaikha ti nimulavulinhe! ³⁰Vano Yesu ahahimerya wira: – Nsu nla khinikhumelenle mwaha wa miyo: nikhumelenlé mwaha wa nyuwo. ³¹Okathi ula, okathi w'ophukiwa olumwe-nk'ula. Okathi ula, Satana, yowo oniruma vathi-va, t'unrowawe womoliwa. ³²Vano miyo, kakomeliwá, kemexiwá mulaponi, kinimwiruhela atthu othene. ³³Alavulaka sisale, Yesu ahithonyerya makhwelo awe. ³⁴Muttitthi ule w'atthu wahimwakhula wira: – Hiyo nosuwela nulumo nihimyalé wira Kristu onokhala mahiku othene. Vano muniwerya sai ohi-myá wira Mwana a Mutthu o-hana okhomeliwa? Mwan'owo a Mutthu ti pani? ³⁵Yesu ahahimerya wira: – Warya ori ni nyuwo nlelo okathi vakhani. Mwetteke munari ni warya, wira epiphi ehophwanyeni. Ale anetta mwepiphini khansuwela onrowaya. ³⁶Mukhalana-

ka warya, mwamini warya weiwo, wira mukhalé ana-mwane a warya.

Ohamini w'aYuda

Vahimyalyawe siso, Yesu ahivenya-wo, khuwipitha ya-wo.³⁷Yesu amwiraru mitikiniho sinjene va maithoni v'aYuda, yawo khiyàmwamini. ³⁸Siso yahiraneya molumo ahimyalyawe profeta Yesaya, iraka: "Pwiya, ti pani otthunne okupali ehapari enlaleyahu? Nave ti pani othonyeriwe owe-rya wanyu?"³⁹Tivó vahawer-yaya wamini, ntoko Yesaya sahimyalyawe wira: ⁴⁰"Mulu-ku ohàkhalihà òhona, ohumi-ha mirima saya, wira maitho aya ehoneké, mirima saya sihisuweleké. Siso awo khanrukunuxa mirima, vano miyo nkinavoniha". ⁴¹Yesaya ahimyala siso, okhala wira ahona ovuwa wa Yesu, khumulavula yowo.

⁴²Vano, hatá makhulupale manjene àYuda yahimwami-ni yowo, masi, mwaha w'aFa-risi, khiyàisoneiha, wira eho-moliwe mpani mothukuma-na. ⁴³Yawo wasivelexa ottitti-

mihiwa n'atthu, ovikana ottitimihiwa ni Muluku.

Molumo a Yesu animwala-mula atthu

⁴⁴Yesu ahimyala arunyaka wira: – Ale anikamini miyo, khanikamini miyo: aniwamini Atithi akirumme. ⁴⁵Ale anikona miyo, anniwona Atithi akirumme. ⁴⁶Miyo kirwiye mulaponi, ntoko warya: wira othe-ne ale anikamini miyo ehe-tteke mwepiphini. ⁴⁷Akhalá mutthu onìwa molumo aka, ahinettela yawo, nkihiyó miyo kinimuhukhumu: miyo nkirwenle wahukhumu atthu a molumwenkuni-mu, kirwenlé owòpola. ⁴⁸Ole onikikhotta miyo, ahiniwelela molumo aka, òkhalana mphuki awe: molumo kilaleiyaka t'anrowa omuhukhumu nihiku nokise-rya. ⁴⁹ – Vekekhai, miyo nki-lavunle mmansaka: Atithi, akirumme, yawo t'akilavu-lenle itthu sarowaka ohimya n'iye sarowaka olaleya. ⁵⁰Nave miyo kosuwela wira soruma saya sinniphwanyiha ekumi yohimala. Tivó, itthu sinlaleyaka, kinlaleya sisale

Atithi sikihimenryaya.

**Yesu onirapiha inawu
s'awixutti awe**

13 ¹Nira nihanatthi ophiya nihuku na Paxikowa. Yesu anisuwela wira wahiphiya okathi awe w'okhuma olumwenk'ula, arowe w'Atithi. Yow, aphentale atthu awe yari mulaponi, ohaphenta mpaka wokiseryani.

²Yesu amolya n'awixutti awe. Satana ahimupuweliha Yuda, mwan'awe Simoni Isikaryoti, wira anvarihe Yesu. ³Yesu uwo anisuwela wira akhumme wa Muluku, ni wiraahana ohokolowela weiwo. Anisuwela-tho wira Atithi yahinvahererya itthu sothene. ⁴Okathi owo, ahivenya va mesa, ahirula maly'awe, ahiku-xa etuwaya, khutthukela munyununi. ⁵Vano ahitthela masimbasiyani, khukelela orapiha inawu s'awixutti awe, khinapuputtha n'ituwaya yatthukenlyawe muyununi. ⁶Amphwanyakaru Simoni Pedru, yola ahimwirela: – Nyuwo mphavela okirapiha inawu

miyo? ⁷Yesu ahimwakhula wira: – Etthu miyo kiniraka, nyuwo khamunsuwela nanna-no va: munrowa osuwela oholo onkelelahu. ⁸Pedru ahikhanyererya okhotta, iraka: – Nnari! Khamunkirapiha inawu saka miyo! Yesu aimwakhula wira: – Miyo kahorapiheniru, khamumphwanelu okhala ni miyo! ⁹Vano Simoni Pedru ahimwirela: – Pwiya, vakhalaru vavo, muhikirapihe inaworu pahi: mukirapihe-tho hata matata ni muru! ¹⁰Yesu ahimwakhula wira: – Ole orampe, khaniphavela-tho orapihiwa: ohana orapihiwa inawu pahi, okhala wira othuwa othene. Vano nyuwo mothu-wasa, murohitihuwa othene anyu. ¹¹Yesu animusuwela sana ole arowa onvariha, tivo vahimmyawe wira: “Murohitihuwa othene anyu”.

¹²Vamalinhawe orapiha inawu saya, ahittikela owara malay'awe, ahikilathi-tho vame-sa, khwahimerya wira: – Nyuwo mosuwela ela kiwirenlyakan? ¹³Nyuwo munikirela miyo “Mwixutthi ni Pwiya”.

Mwiraka siso, khamunvonya, okhala wira ti siso.¹⁴Vano, nto-ko miyo korapihalyakani inawu, kiri Pwiya ni Mwixuttihi, siso nyuwo-tho muhana ora-pihana inawu. ¹⁵Miyo kihothonyeryani ephiro, wira ni nyuwo-tho mwireke ntoko si-wirenlyakani. ¹⁶Kinohimeryani ekekhai wira: khavo murumeyi okhanle mulupale onvikana pwiy'awe, nnakhala mulipa-orummwa khakhanle mulupale onvikana ole omurume. ¹⁷Nyuwo muhiwa sana itthu iya: vano, mwettelakaru orathene, munoreriwa.

¹⁸ – Miyo nkinohimyani othene anyu. Kinnasuwela ale athanlalyaka. Vano ehana wiraneya eyo elepiwe wira: "Ole onlya ni miyo, okirukuwela, khukhala nwanani aka". ¹⁹Itthu iya, miyo kinnohimeryani nanano vava, sihinatthi wiraneya, wira, siraneyaka, mwamini wira miyo t'ule onikhala. ²⁰Kinohimeryani ekekhai wira: ole onimwakhela onimurumaka miyo, onnikakhela miyo: vano ole onikakhela miyo, onniwakhela Atithi akirumme.

Yesu onimuhimya ole onrowa onvariha

(Nwehe-tho Mat. 26:20-25; Mar. 14:17-21; Luk. 22:21-23)

²¹Vamanlyawe ohimya itthu iya, Yesu wahimuripa murima vanjene, khwahimerya awi-xutti awe wira: – Kinohimeryani ekekhai wira: mmosa a nyuwo onikivariha. ²²Awi-xutti awe yahipajerya owehanasa, mana kiyamusuwela owo Yesu amuhimyawe. ²³Mwixutti mmosa, yole Yesu amphentexawe, ari va mesa vakhiviru ni Yesu. ²⁴Simoni Pedru ahimukwata, khumwirela: – Mmukohe onimuhimyawe. ²⁵Mwixutti uwo ahiphiterya vatthirimani va Yesu, khumukoha wira. – Pwiya, ti pani yowo? ²⁶Yesu ahimwakhula wira: – Ole kinrowaka orerya yolya vakhani, kinvahe, ti yowo. Vano, areryaka yolya, ahinvalha Yuda, mwan'awe Simoni Isikaryoti. ²⁷Yuda vaminryawe yolya ele, Satana ahikela mmurimani mwawe. Yesu ahimwirela: – Etthu erinanyu wira, mwire nanano, muhipise.

²⁸W'atthu yari va mesa, kha-vo asuwenle etthu yamwire-nlyawe siso. ²⁹Yuda t'asuka murupa wa musurukhu. Tivo akina yanyiheryaya wira Yesu amurumme orowa wahaha musuruku amasikhini. ³⁰Vano Yuda valiyiaye yolya eya, ahikhuma nananoru. Wari ohiyu.

Nikano na nanano

³¹Yuda vakhumalyawe-vo, Yesu ahahimerya awixutti awe wira: – Okathi ola va Mwana a Mutthu ovuwihiwa: Muluku ovuwihiwa-tho mwa yowo. ³²Okhala wira Muluku ovuwihiwa mwa yowo, nave ononvuwiha Mwan'awe, an-vuwihiaka vohipisa. ³³An'aka, nlelo kinokhala ni nyuwo okathi vakhani. Nyuwo munokiphavela: vano kinohime-ryani eyo yahimenryaka a-Yuda wira: "Nipuro kinrowaka, nyuwo khamunwerya opphiya". ³⁴ – Kinovahani nikano na nanano: mphentaneke mutthu ni mukhw'awe. Sisale miyo kophentalyakani, sisotho nyuwo muhana ophe ntana. ³⁵Nlepa no wasuwe-liha atthu wira mwa awixutti

aka ti nla: ophentana wanyu.

Yesu onihimya oruna wa Pedru

(Nwehe-tho Mat. 26:31-35; Mar. 14:27-31; Luk. 22:31-34)

³⁶Simoni Pedru ahimukoha wira: – Pwiya, munrowa vayi? Yesu ahimwakhula wira: – Iwo onrowaka miyo, nyuwo khamunwerya okitthara nanano va: munokitthara oholo onike-kelelahu. ³⁷Pedru ahimukoha wira: – Pwiya, kihinweryela-ni wottharani nanano va? Miyo kiri olikanene wokhwelani nyuwo. ³⁸Yesu ahimwakhula wira: – Tthiri muri olikanene okikhwela miyo? Kinohime-ryani ekhweli wira: muthupi ohinatthi wipa, nyuwo munokiruna imara ttharu!

Yesu ti ephiro enipixa w'Atithi

14 ¹Yesu ahahimerya awi-xutti awe wira: – Muhi-ripiwe-tho murima. Mmwamini Muluku: mukaminiki miyo-tho. ²Owanny'eya Atithi, kharere-wo mapuro okhala. Miyo kinrowa olokiha nipuro nanyu. Vahakhanle siso, kamohi-

meryani. ³Karowa, kolokiheryani nipuro, kinohokolowatho kokuxeni, wira nipuro kinrowaka miyo okhala, ni nyuwo-tho mwakhale nipuro nenlo. ⁴Vano nyuwo munni-suwela weiwo kinrowaka, munosuwela-tho ephiro ene. ⁵Tomé ahimukoha iraka: – Pwiya, khaninsuwela onrowanyu. Ninwerya sai osuwela ephiro ene? ⁶Yesu ahimuhimerya wira: – Miyo k'epiro. Miyo k'ekekhai. Miyo k'ekumi. Khavo onwerya orowa w'Atithi, ahivinre wa miyo. ⁷Nyuwo mwakisuwelenle miyo, mwamwasuwela-tho Atithi. Vano-nto, okhuma okathi yola, nyuwo muhasuwela Atithi, muhaweha. ⁸Filipe ahimwirela: – Pwiya, noniheryeni Atithi! Mwanoniheraru yawo, voniphiyerya. ⁹Yesu ahimwakhula wira: – Nyu Filipe! Kokhala mahiku manjene ni nyuwo: ninlelo khamunkisuwela? Ole onikona, onniwona Atithi. Vano nyuwo munihimya sai wira: “Noniheryeni Atithi?” ¹⁰Khamunamini wira miyo kiri mw'Atithi, ni wira Atithi ari

mwa miyo? Molomo kinohimeryakani nyuwo othene, khahiyo awaka. Atithi, ankhala mwa miyo, t'anivara miteko saya mwa miyo. ¹¹Mukamini kahimaka wira miyo kiri mw'Atithi, ni wira Atithi ari mwa miyo. Mukamini mano mwaha wa miteko sinonanyu. ¹²Kinohimeryani ekekhai wira: ole onikamini miyo, onrowa ovara miteko seiyo sinivaraka: hata onovara sulupalexsovikana iya, mana miyo kinrowa w'Atithi. ¹³Sothene sinrowanyu ovekela ni nsina naka, miyo kinimovahani, wira ovuwa w'Atithi won-eye mwa Mwan'aya. ¹⁴Mwakivekela etthu p'itthu ni nsina naka, miyo kinimovahani.

Atithi animovahani Eroho y'Ekekhai

¹⁵ – Mwakiphentaka miyo, munimwettela ikano saka. ¹⁶Miyo kinimwavekela Atithi, yovaheni Mulipa-okhaliherya mukina, wira akhaleke ni nyuwo mahiku othene: ¹⁷owo ti Eroho ya Ekekhai. Att-hu otakhala khanwerya omwakhela, okhala wira khani-

mona, khanimusuwela. Vano nyuwo munnimusuwela, okhala wira ori ni nyuwo, onikhala mwa nyuwo.

¹⁸ – Nkinohiyani ntoko ikwasuni: kinimohokolowelani nyuwo. ¹⁹Nlelo okathi vakhani, numala, atthu khanikona-tho: vano nyuwo munokona-tho, okhala wira miyo ka mukumi, nave nywo munokhala akumi. ²⁰Nihiku nenlo, wira miyo kiri mw'Atithi, ni wira nyuwo muri mwa miyo, ni wira miyo kiri mwa nyuwo.

²¹ – Ole onakhela ikanosaka, anettela, owo t'onikiphenta. Vano ole onikiphenta anopentiwa n'Atithi: nave miyo kinomuphenta, kini-mwisuweliha wa yowo. ²²Yuda mukina (omuhiya mwan'awe Isikaryoti) ahimikoha wira: – Pwiya, exeni entthunanyu wisuweliha wa hiyo, ohikhanle w'atthu aki-na? ²³Yesu ahimwakhula wira. – Akhala mutthu onikiphenta, onimwettela molumo aka. Atithi anomphenta yowo: iyo nnimorwa wira nikhale mwa yowo. ²⁴Ole onikiphenta, khanettela mo-

lumo aka. Molumo mun-wanyu, khaiyo awaka: t'a-waya Atithi akirumme.

²⁵Kihohimeryani itthu iya, nlelo kikhalaaka ni nyuwo. ²⁶Vano Mulipa-okhaliherya, Eroho Yowarya, Atithi antthunaya wovelelihani ni nsinana, owo onimoxuttihani itthu sothene, onowupuxeryani sothene sohimenryakanani.

²⁷ – Kinohiyeryani murettele: Kinovahani murettele aka. Murettele onovahakanani khuhayo murettele onvahaya atthu. Muhitteyettheye mmakhuvani: muhove. ²⁸Muhawa sohimenryakanani wira: "Miyo kinrowa, numala kini-mohokolowelani." Mwakiphenta, mwamutteliwa murima mwaha w'orowa miyo w'Atithi: Atithi t'akhanle alupale okivikana miyo. ²⁹Kihohimeryani itthu iya nanano va, sihinathi okumelela, wira okathi oniraneyaya, mwamini. ³⁰Vano nkinlavula tho vanjene ni nyuwo, okhala wiraohanle orwa mulupale a olumwenk'ula. Owo khanwerya okiriha etthu

miyo;³¹ vano vanrerela wira atthu othene esuwele wira miyo kinnaphenta Atithi, ni wira kinnetta ntoko Atithi si-kirummyaya. – Venyani, nro-we.

Nlikanyhiho na mwiri evidera

15 ¹Yesu ahahimerya-tho awixutti awe wira: – Miyo ka mwiri wekekhai: Atithi aka ti mwanene ematta. ²Eritta yothene eri mwa miyo, e-hinima mihokorokho, Atithi annikittha: vano annilokiha wi-ra sitepeke wima. ³Nyuwo molokihwa ni molumo kohime-nyakani. ⁴Mukhale mwa miyo: miyo kinokhala mwa nyuwo. Eritta khinwerya wima mi-hokorokha mekhaya, ehikhanle va mwirini vaya: siso-tho nyuwo khimunwerya wi-ra itthu sorera, mwahikhale-ke mwa miyo.

⁵ – Miyo ka mwiri: nyuwo mwa iritta. Ole onkhala mwa miyo, miyo kikhala mwa yo-wo, owo onnima mihokorokho sinjene. Tthiri, kahikhaleru miyo, khivo eniweryanyu wira.

⁶Akhala mutthu ohinkhala mwa miyo, onoriheliwa ota-khwani, ntoko eritta ehinima, onimuma: vano iritta sowuma sinittottiwa, sinniriheliwa vai-kho, khiyavya. ⁷Nyuwo mwa-khala mwa miyo, molumo aka yakhalaka mwa nyuwo, nvekeleke sothene sintthu-nanyu: munovahiwaka. ⁸Nyu-wo mwimaka mihokorokho sinjene, mwakhalaka awixut-ti aka a ekekhai, Atithi anni-vuwihiwa. ⁹Ntoko Atithi aniki-phentaya, ni miyo kinnophe-ntani siso. Mukhaleke mo-phentani mwaka. ¹⁰Mwettela-ka ikano saka munokhala mo-phentani mwaka, ntoko miyo kinettelaka ikano s'Atithi, ki-nikhala mophentani mwa-ya.

¹¹ – Kihohimeryani itthu iya wira otteliwa waka murima okhale-tho wawinyu, otteliwa wanyu murima omalele. ¹²Ni-kanan kinorumakani ti nla: Mphentaneke, ntoko miyo ki-nophentakani. ¹³Khavo ona-phenta akhwa'awe vanjene wonvikana ole onileva ekumi awe mwaha w'apatthani awe. ¹⁴ – Nyuwo munokhala apa-

tthani aka, mwettelaka itthu kinorumakani.¹⁵ Nkinwirelani-tho arumeyi aka, mana arumeyi khansuwela sinirawe pwiy'awe. Vano kiniwirelani a-patthani aka, okhala wira kihosuwelihani sothene siwi-walyaka Atithi.¹⁶ Kamuhiyó nyuwo mukithanlale miyo: ti miyo kothanlaneni nyuwo. Miyo kihothanlani wira murowé mwireke sorera, sorera sanyu sikhaleke mahiku othene. "Siso, etthu p'itthu enavekelanyu Atithi ni nsina naka awo animohani.¹⁷ Etthu enorumakani t'ilä: mphentaneke mukina ni mukhw'awe.

Atthu a vathi-va annimun-yokha Yesu n'atthu awe

¹⁸ – Atthu a vathi-va yanyokhakani, musuwuele sana wira apajenrye okinyokha miyo.¹⁹ Nyuwo mwari mw'a-tthu vathi-va, okhala wira miyo kohothanlani, kovalanya-kani n'atthu ale: tivo atthu yale vanonyokhayani.²⁰ Mpuwele nulumo nle nohime-ryakani wira: "Khavo murumeyi okhanle mulupale onvikanwa pwiy'awe". Ale yakilupanthe miyo, animolupattha-

ni-tho nyuwo: ale yettenle molumo aka, animwettela-tho molumo anyu.²¹ Vano awo a-nrowa owirelani sothene iya mwaha wa miyo, okhala wira khanasuwela Atithi akirumme.²² – Miyo kaharwiye owi-xuttiha, khiyattheka ethu: nto vano khanleveleleya.²³ Ole onikinyoka miyo, onanyokha-tho Atithi.²⁴ Kahirale va mai-thoni vaya sotikiniha sihira-lyawe mutthu mukina, khatayattheka ethu: vano, awo ahona sotikiniha siralyaka. Ohiya vo, awo annikinyokha miyo vamosa n'Atithi.²⁵ Itthu iya sinnikhumelela wira yiraneye molumo alepiwe mu-kanoni mwaya, wira: "Awo yahikinyoka vahimulattu."

²⁶ – Ole onrwa wokhaliheyaniohanle ophiya: ti Eroho ya ekekhai, yowo onikhuma w'Atithi. Miyo kinimovelelihanani Eroho yeo ni nsina n'Atithi: Yowo enrwa olipiherya itthu sihimyalyaka.²⁷ Nyuwo-tho munokikhalela anamona, okhala wira mokhala ni miyo okhuma wopajeryani.

ttheye mmakhuvani.

²Munimomoliwa mmuthukumanoni. Hata onophiya okathi atthu anrowaya owivani, yupuwelaka wira, ewivakani, animuttittimiha Muluku. ³Awo anrowa wiraka siso, mwaha w'ohasuwela Atithi ni w'ohikisuwela miyo. ⁴Vano kihohimeryani siso wira, okathi uwo waphiyaka, mpuwele wira kahohimeryani.

Miteko sa Eroho Yowarya

– Miyo nkohimenryeni okhuma wopajeryani, okhala wira nlelo kakhala ni nyuwo. ⁵Masi vano kinrowa w'Atithi akirumme: vano, mwa nyuwo khavo onikikoha wira “Munrowa vai?” ⁶Masi, mwaha wo wohimeryani itthu iya, muri-m'anyu ohoripani vanjene. ⁷Vano miyo kinohimeryani ekekhai wira, vanorerelani miyo orowa. Miyo khahiroweru, Mulipa-okhaliherya khanrwa okhala ni nyuwo. Miyo karowa, kinimovelelihani Yowo. ⁸Owo vanrawe, onimwathonyiherya atthu awo attheka, ni wira yokhala exariya, ni wira wokhala olumula wa Mu-

luku. ⁹Thiri atthu attheka, okhala wira akotta okamini miyo. ¹⁰Yokhala exariya ya Muluku, okhala wira miyo kinrowa w'Atithi, nyuwo muhikone-tho. ¹¹Wokhala olamula wa Muluku, okhala wira Sata, ari mwene a vathi-va, otthukeliwa.

¹² – Nlelo kihana itthu sinjenne so wohimeryani: vano nyuwo munnojela wira n'usuwe-la nanano. ¹³Vanrawaya Eroho y'ekekhai, Eyo enowixuttihani ikekhai sothene. Eroho ye- yo khinrowa wihimyaka sawaya: enrowa wohimeryani sothene siwalyaya, enimosu-welihani-tho itthu sintthuna okhumelela. ¹⁴Eyo enokivuwi-ha mana enimwakhela molumo aka, wira yohimeryeni nyuwo. ¹⁵Sothene siri s'Atithi, ti sawaka: tivo kohimenryakan wira: “Enimwakhela molumo aka, wira yohimeryeni nyuwo.”

***“Oripiwa wanyu murima
onorukunuwa okhale
otteliwa murima”***

¹⁶ – Ohanle okathi vakhani muhinrowanyu okona: vano-

tho okathi vakhani mukoneke-tho. ¹⁷Awixutti akina yahikohana wira: – Exeni eyo ennihimeryawe? Owo onira: “Ohanle okathi vakhani muhikoneke: vano-tho okathi vakhani mukoneke-tho.” Onnira-tho “Miyo kinrowa w’Atithi.” Xeni iyo? ¹⁸Okathi vakhani xeni owo onihimyawe? Hiyo khanniwa etthu enihimyawe. ¹⁹Yesu ahisuwela wira yaniphavela omukoha: tivo vahimenryawe wira: – Miyo kihohimeryani wira: “Ohanle okathi vakani mukoneke-tho”. Mwaha wa molumo ak’ala munikohananyu, khahiy? ²⁰Vano munimunla, muniwikhupanyerya: vano atthu akina anotteliwa murima. Nyuwo munoripiwa murima, nto oripiwa wanyu murima onorukunuwa okhale otteliwa murima. ²¹Vanlikana ni muthinya ana ohanle omuyara mwani’awe: waphiya okathi w’oyara, onnihawa vanjene. Vano, amala omuyara mwani’awe, khanupuwela-tho ohawa wawe; onniteliwa murima, okhala wira ohorwa mutthu mulaponi. ²²Siso-tho nyuwo: mu-

nniripiwa murima okathi ula. Vano miyo kinimohokoloweliangi-tho: kahokolowa, murim’anyu onotteliwa. Khavo onrowa owakhani otteliwa wanyu murima iwo. ²³ – Nihiku nenlo naphiyaru, khamunikoha-tho ethu. Miyo kinohimeryani ekekhai wira: Atithi animovahani sothene sinavekelyanyu ni nsina naka. ²⁴Nlelo khivo evenlyanyu ni nsina naka: nvekeleke, munovahiwa, otteliwa wanyu murima onomalela.

“Miyo kikhumme wa Muluku”

²⁵ – Kihohimeryani itthu iya vohiwayeya sana. Onophiya okathi ohinrowaka-tho wolalavulelani vohiwayeya sana: okathi uwo kinimolavulelani vowiwayeya orattene itthu s’Atithi. ²⁶Nihiku nenlo, munovekela ni nsina naka: miyo nkinohimeryani wira kinomovelelani w’Atithi, ²⁷okhala wira wira Atithi ene yawo annophentani. Awo anno-phentani, mana nyuwo munikiphenta miyo, mwaminiki wira miyo kikhumme wa Muluku, ²⁸khurwa mulaponi-mu:

vano kinohiya-tho olumwen-k'ula, kihokolowele w'Atithi.

²⁹Awixutti awe yahimuhimerya wira: – Vano munnivila-vula vowiwanyeya orattene: khamunlavula-tho voiwanyeya sana. ³⁰Vano ninnona wira nyuwo mosuwela itthu sothene, khavamphwanelo wokohani. Tivo, nihamini wira munikhuma wa Muluku. ³¹Yesu ahiwakhula wira: – Vano munnikamini? ³²Onophiyya okathi - okathi uwo ti yola - munthunanyu omwareya, khula mutthu mpantte awe, mukihiyeh miyo mekhaka. Masi miyo nkikanle mekhaka: kiri n'Atithi. ³³Kinohimeryani itthu iya, wira mphwanye murettele, mukhalaka ni miyo. Nyuwo munrowa ohawa vathi-va. Vano mulipihe muri-ma: miyo koxintta elapo ela ya vathi.

Yesu onavekelela awixutti awe

17 ¹Amalihakaru olavula siso, Yesu ahiweha wirimu, khwira: – Tithi, okathi wophiya! Munvuwihe Mwan'inyu, wira Mwan'inyu yowo

ovuwiheni-tho Nyuwo. ²Nyuwo monvaha Mwan'inyu o-werya wo waruma atthu othe-ne, wira avahe ekumi ehini-mala othene ale anvaheren-ryanyu. ³Ekumi ehimimala t'ilä: wosuwelani nyuwo, mu-khanle Muluku mmosaru a ekekhai, ni omusuwela Yesu Kristu, yowo omurummyanyu. ⁴Miyo kihovuwihani vathi-va: komaliha muteko wakirumm-yanyu ovarä. ⁵Vano, Tithi, mu-kivuvihe miyo va maithoni vanyu, mukivahetho ovuwa weiwe warinaka vamosa ni nyuwo olumwenku ohinatthi okhala.

⁶ – Nyuwo muhathanla att-hu akina a vathi-va, khukiva-ha. Awo yari awinyu, vano nyuwo mokivaha atthu awo. Miyo kihasuweliha nsina ni-nyu, vano awo ahettela molumo anyu. ⁷Vano asuwela wira sothene sikivahalayanyu sinkhuma wa Nyuwo, ⁸okha-la wira kihalalerya ehapari mukivahalyanyu; yawo ahi-welela ehapari iyo. Awo aku-pali wira vekekhai miyo ki-khumme wa Nyuwo: ahamini wira mokiruma.

⁹ – Miyo kinavekelela yawo. Nkinalompela atthu a mulaponi mu: kinalompela ale mukivahalyanyu, okhala wira t'awinyu. ¹⁰ Sothene sirinaka ti sawinyu: sothene sirinanyu ti sawaka. Mwa yawo miyo kovuwihiwa. ¹¹ Miyo nkinkhalatho vathi-va: masi awo anni-hala mulaponi, miyo kirowaka wa Nyuwo. Tithi owarya! Mwakhaliherye n'uwerya wanu ale akivahalyanyu, wira ekhale mmosa, ntoko Nyuwo ni miyo niriyahu mmosa pahi. ¹² Okathi waryaka ni yawo vathi-va, kihakhaliherya n'u-werya wanyu ale akivahalanyu. Kihasuka yawo: khavo mmosa orimenle, omuhia ole ari orimelene, wira solepiwa siraneye. ¹³ Vano kinrwa wa nyuwo. Kinihimya itthu iya, nlelo kikhala laka vathiva, wira awo esareye otteliwa waka murima vomalela. ¹⁴ – Miyo kihalalerya molumo anyu a vathi-va ahathanya, okhala wira khahiyo awaya, sisale miyo kihikhanlyaka awaya. ¹⁵ Nkinovekelani wira mwaku-mihe molumwenkuni. Kino-vekelani wira nwakiherye

mutakhali. ¹⁶ Awo khahiyo a vathi-va, sisale miyo khikhanlaka a vathi-va. ¹⁷ Awo ekhale awinyu vomalela mwaha wa ekekhai: ekekhai eyo ti nulumo nanyu. ¹⁸ Sisale nyuwo si-kirummyanyu molumwenkuni-mu, ni miyo kiharuma orowa eriyari y'atthu. ¹⁹ Miyo kin-nivaha wa nyuwo mwaha wa yawo, wira tthiri yawo-tho ekhale awinyu.

²⁰ – Nkinalompela awixutti aka ala pahi: kinalompela-tho ale anrowa okamini miyo, mwaha w'olaleya waya ala. ²¹ Kinovekelani wira awo othene ekhale mmosa. Tithi, ekhaleke mmosa ni hiyo, ntoko Nyuwo muryanyu mwa miyo, ntoko miyo kiryaka mwa nyuwo. Ekhale mmosa, wira atthu a vathi-va yamini-ki wira ti nyuwo mukirumme. ²² Kihavaha yawo ovuwa nyuwo okivahalyanyu miyo, wira ekhale mmosa ntoko hiyo niriyahu mmosa. ²³ Miyo kikhalleke mwa yawo, ni Nyuwo mu-khaleke mwa miyo, wira awo ekhaleke mmosa vomalela. Siso atthu a vathi-va anosu-wela wira Nyuwo mukirum-

me, ni wira munnaphenta ya-wo ntoko munikiphentanyu miyo.

²⁴ – Tithi, kimphavela wira weiwo miyo kinrowaka okhala, yawo mukivahalyanyu yakhaleke-tho weiwo vamosa ni miyo: wira yone ovuwa wa-ka, Nyuwo mukivahalyanyu. Tithi Nyuwo mokiphenta okhuma olumwenku ohinathhi apattuxiwa. ²⁵Tithi a exariya! Atthu a vathi-va khiyosuwenleni: vano miyo kihosuwelani, n'ala asuwela wira Nyuwo mukirumme. ²⁶Miyo kihasuweliha nsina nanyu, nave kinrowa wasuweliha-tho, wira ophenta onikiphentananyu okhale ni yawo, miyo kikhale-tho mwa yawo.

Ovariwa wa Yesu

(Nwehe-tho Mat. 26:47;
Mar. 14:43-50; Luk. 22:47-53)

18 ¹Vamalihalyawe ohimya itthu iya, Yesu ahivenya vamosa n'awixutti awe, khurowa okhopela wa muro keduroni, wari ematta. Yesu ahikela memmo n'awixutti awe. ²Nave Yuda, yole arowa onvariha, anisuwela ni-

puro nlo, okhala wira Yesu anithukumana weiwo mahiku manjene n'awixutti awe. ³Yuda ahiphiya weiwo, aholaka muttitthi w'anakhotto ni maguarda, yarumwe ni makhlupale a anamukuttho n'aFarsi. Yahiphiya owilipihene, ekunxene mitthuko. ⁴Vano Yesu, asuwelaka sothene saro-wa omukhumelela, ahirowa okumanana, khwakoha wira: – Mmurwenle pani? ⁵Awo yahimwakhula wira: – Nimurwenle Yesu muNazarethi. Yesu ahahimerya wira: – Ti yomi.

Yuda, arowa onvariha, ari vano n'anakhotto ale. ⁶Okathi Yesu wakhunlyawe wira: “Ti yomi” atthu ale yahetta n'ittuli, khumorelasa vathi. ⁷Yesu ahakoha-tho iraka: – Mmurwenle pani? Ale yahakhula wira: – Nimurwenle Yesu muNazarethi. ⁸Yesu ahahimerya wira ti miyo. Vano, mwakiphavelaka miyo, mwahiyike akin'ala eroke. ⁹Ahira sisò wira emaliheriwe ele yahimyalyawe wira: “Ti-thi, w'ale akivahalyanyu, kha-vó orimenle”. ¹⁰Simoni Pedru arina ekatana, ahitholola, khu-

nvulaliha murumeyi mmosa a mulupale a alipa a mukuttho, athikilaka niyaru nawe nolopwana. Murumeyi uwo ihaniwa Maliko. ¹¹Vano Yesu ahimwirela Pedru: –Mutthikihere ekatanànyu varyaya. Kihureryé miyo ekahi y'oha-wa Atithi akivahalyaya?

Yesu onroihawa wa Haná
(Nwehe-tho Mat. 26:56-58; Mar. 14:53-54; Luk. 22:54-57)

¹²Atthu ale othene, anakhotho ni mulupale aya ni alipa olipelela arumiwe n'a-Yuda, yahinvara Yesu khumutthuka. ¹³Opajerya wene yamuroihale wa Hana. Hana owo ari tat'awe Kaifa amuthenlyawe. Kaifa owo aru mulupale a anamukuttho eyakha yevo. ¹⁴Kaifa ti yole ahimenrye aYuda wira: "Vanrerela mutthu mmosa pahi akhwele atthu othene."

Pedru onimuruna Yesu
(Nwehe-tho Mat. 26:69-70; Mar. 14:66-68; Luk. 22:55-57)

¹⁵Simoni Pedru ni mwixutti mukina animutthara Yesu. Mwixutti mukin'ole anisuwe-

liwa ni mulupale a alipa a mukuttho: tivo akenlyawe va-mosa ni Yesu vapuwani va mulupale owo. ¹⁶Vano Pedru ahanle va mukhora mpantte wa vate. Vano mwixutti uwo mukina asuweliwa ni mulupale a alipa a mukuttho, ahi-khuma, ahilavula ni muthiya-na alipelela mukhora, khumu-kuxa Pedru amurowanaka mpuwani. ¹⁷Vano muthiyan'wo alipelela mukhora ahimu-koha Pedru iraka: – Nyuwo, khumuhiyo nyuwo-tho mwixutti awe mulopwan'le? Pedru ahimwakhula wira: – Nnari! Nkiihiyo!

¹⁸Yahikhala vavale arume-yi ni alipa olipelela, yaisenle moro, khiyora, okhala wira vanrirya. Nave Pedru ahiki-lathi vamosa n'awo, khiyora.

Wa mulupale a anamukuttho

(Nwehe-tho Mat. 26:59-66; Mar. 14:55-64; Luk. 22:66-71)

¹⁹Mulupale a anamukuttho ahimukoha Yesu mwaha w'a-wixutti awe n'itthu sixuttiha-we. ²⁰Yesu ahimwakhula wira: – Miyo kalavula vohipithiha,

va maithoni v'atthu othene. Mahiku othene kaixuttiha mpani mothukumana ni mpani mwa Muluku, memmo munithukumanaya aYuda othene. Khivo kihimyalyaka wiphini. ²¹Munikikoherani miyo? Mwakoheke ale yiwale itthu sixuttihalyaka: awo ani suwela orattene itthu sahimenryaka. ²²Yesu ahimyakaru siso, guarda mmosa, ari vavale, ahimmana mphatamaru, iraka: – Mulupale a ana mukuttho onakhuliwa siso? ²³Yesu ahimwakhula wira: – Kahakhunle sana, mukihi merye vananarihalyaka.

²⁴Vano, Hana ahiruma wira aroihewe, atthukiwene sisale, wa mulupale a anamukuttho, ihaniwa Kaifa.

Pedru onimuruna Yesu vanenli

(Nwehe-tho Mat. 26:71-75; Mar. 14:69-72; Luk. 22:58-62)

²⁵Okathi uwo, Simoni Pedru ira nlelo oraka vaikho vavale. Khukohiwa wira: – Nyuwo! Khamuhayo-tho mmosa a awixutti awe mulopwan'ole? Pedru ahiruna, iraka:

– Nnari! Nkihiyo! ²⁶Mmosa a arumeyi a mulupale a ana mukuttho, ari mmusi awe ole Pedru amuthikinlyawe ni yaru, ahira: – Nkowenheni nyuwo omatta, munari ni yowo? ²⁷Pedru ahiruna-tho. Okathi ene yowo, muthupi wahipa.

Yesu oniroihewa wa Pilato
(Nwehe-tho Mat. 27:1-2, 11-14; Mar. 15:1-5; Luk. 23:1-5)

²⁸Vano Yesu ahikumihiwa wa Kaifa, khuroihewa opwaro wa guvernatoro. Nira nsuwa nikhumaka. AYuda khiyakenle mpwaro mmwe, wira ehirave mwikho, yojele olya nira na Paxikowa. ²⁹Tivo Pilato a hikhumela vate, khwakoha wira: – Mulopwan'ole opahune-ni? ³⁰Awo yahakhula wira: – Owo ahakhanle mutakhali, khinoruhuenleni. ³¹Pilato ahiwirela: – Mukuxekeni nyuwo, mmulamuleke ntoko silimalenlyanyu olamula. AYuda yahimwakhula wira: – Hiyo khanintthuniheriwa omwiva mutthu. ³²Siso yairaneyea molumo yahimyalyawe Yesu, athonyeryaka makhwelo awe.

³³Pilato ahikela-tho mpwaro, ahimwihana Yesu, khumukhoa wira: – Nyuwo mwa mwene a aYuda? ³⁴Nave Yesu ahimukoha iraka: – Ethu ila murolakela okoha, wala murohimeriwa n'akina? ³⁵Pilato ahimwirela: – Miyo ki mu-Yuda? Atthu a elapo anyu n'alupale a anamukhuttho t'oruhaleni va. Mwirale-ni? ³⁶Yesu ahimwakhula iraka: – Omwene aka khuhiyo wa vathi-va. Wari va vathi-vava, arumeyi aka yamukumiha ekhutto, e-kakihaka miyo, wira kihivariwe n'aYuda. Vano omwene aka khuhiyo wa vathi-va. ³⁷Pilato ahimukoha wira: – Vanonto, nyuwo mmwa mwene ttthiri? Yesu ahimwakhula iraka: – Ti siso sinihimyanyu: miyo ki mwene. Miyo koyariwa, kihorwa mulaponi, wira kilaleye ekekhai. Othene ale anettela ekekhai, aniwelela molumo aka. ³⁸Pilato ahimukoha wira: – Ekekhai, exeni? Ahimyakaru siso, Pilato ahikhumela-tho vate, olavulana aYuda, khwahimerya wira: – Miyo nkinimphwanyana mulattu mulopwan'ola.

Yesu onilamuliwa wiviwa
(Nwehe-tho Mat. 27:15-31;
Mar. 15:6-20; Luk. 23:13-25)

³⁹Vano nyuwo, okathi wa Paxikowa, molimalela ota-phuleliwa mutthu otthukeliwa mmosa. Munnithuna wira kota-phuleleni mwene a aYuda? ⁴⁰Vano awo yahikhuwelasa, yiraka: – Owo nnari! Munitaphulele Baraba. (Baraba ola ari mutakhali).

19 ¹Vano Pilato ahiruma omaniwa Yesu. ²Ankhutto ale yahupa ekhara ya miwa, khunwariha mmuruni; yahimukhunela ni mukhumi woxerya mmuruni; ³numala, khiyarwa mmosa-mmosa emwirelaka: – Moxeletiwa, mwene a aYuda? Khiyamma-na mphatamaru.

⁴Pilato ahikhumela-tho vate, khwahimerya atthu yathukumanne wira: – Va kinomukumiherya vate, wira musuwele wi nkinimphwanyana mulattu. ⁵Vano Yesu ahikhumela vate, awanrene ekhara ya miwa mmuruni, ekuwo yo-

xerya, Pilato ahahimerya att-hu ale wira: – Mmoneke mutthu! ⁶Vano, mmakhulupale a anamukuttho n'anakhot-to, emonakaru Yesu, yahikhu-welasa yiraka: – Akhomeliwe! Akhomeliwe! Pilato ahahimerya wira: – Mmukuxeke yenyu, mwamukhomeleke! Miyo nkini-mphwanyana mulattu! ⁷A-Yuda yahimwakhula yiraka: – Hiyo nokhalana ikano sahu. Vano, natthara ikano sahu seiyo, owo ohana okhwa, okhala wira ohipaka okhala Mwana a Muluku.

⁸Pilato, vaiwalyawe molu-mo ala, ahitepa wova. ⁹Ahi-kela-tho mpwaro, khumoko-ha Yesu, iraka: – Nyuwo mu-nikhuma vai? Nto Yesu kha-khunle ethu. ¹⁰Pilato ahimu-koha-tho wira: – Khamuni-ka-khula ethu? Khamunsuwela wira miyo kinnwerya wota-phulani, wala wokhomelani va mwikimanyo? ¹¹Yesu ahimwakhula wira: – Khamwa-khalana okiwersya miyo, nnakhalan vakhani, mwahavahi-we wirimu. Tivo, ole okiva-he-renrye wa nyuwo, okhalana

mulattu mulupale wovikana wawinyu. ¹²Okhuma okathi yowo, Pilato aniphavela omutaphula Yesu. Vano a-Yuda yahikhuwela, yiraka. – Mwamutaphularu, khamu-hiyo mpatthani a Mwene o Roma! Othene ale anikhali-ha mwene anninvirikanya mwene o Roma.

¹³Pilato, waiwalyawe siso, ahimukumiherya Yesu vate, khukilathi vehijeni nipuro na-phukiwa milattu, vapattiwi- ni maluku, (elavulelo aya e-niriwa Gabata). ¹⁴Nihiku ne-nlo nari nihiku n'omureherya Paxikowa: vari vakhiviru o-thana eriyari. Pilato ahahimerya aYuda wira: – Mwene anyu ula va! ¹⁵Vano awo ya-hikhuwela, yiraka: – Aivi-we! Aiviwe! Akhomeliwe! Pi-lato ahakohha wira: – Kimukhomele mwene anyu? Ma-khulupale a anamukhuttho ya-hakhula yiraka: – Khanrina mwene mukina, ahikhanle ole o Roma! ¹⁶Vano Pilato ahava-hererya Yesu wira akhomeli-we. Awo yahimukuxa, khumu-rowana.

**Yesu onikhomeliwa va
mwikimanyo**

(Nwehe-tho Mat. 27:32-44;
Mar. 15:21-32; Luk. 23:26-43)

¹⁷Yesu ahikhuma mmuttletheni, akapanttene mwikimanyo: khurowaniwa nipuro nihaniwa Golgota, eyo piyo: mru ohanle makhuvaru. ¹⁸Weiwo, anakhotto yahimukhoma Yesu va mwikimanyo. Nipuro nenlo, yahakhomela-tho alopwana akina anli: mmosa mono wolopwana, mukina mono wothiyana, Yesu khukhala eriyari.

¹⁹Pilato airuma othomeya va mwikimanyo nipawe nalepiwe molumo ala: "Yesu mu Nazareti, mwene a aYuda."

²⁰AYuda anjene yahisoma nipawe nle, okhala wira nipuro nakhomeliwawe nattamenle omuttettheni. Nipawe nlo nalepiwe ilavulelo ttharu: ebaraiko ni elatino ni egrego.

²¹Vano, makhulupale a anamukuttho yahimwirela Pilato: – Ehilepiwe wira "Mwene a aYuda". Mulepe ele yahimmyawe wira: "Miyo ki mwene a aYuda." ²²Pilato ahiwakhu-

la iraka: – Elempyaka, kolepa!

²³Anakhotto, vamukhomenlyaya va mwikimanyo, yahittottela ikuwo sawe, khukawanya ipante xexe: khula nakhotto khukuxa epantt'awe. Siso-tho, yahikuxa nlaya na Yesu. Vano nlaya nle narott haviwa, okhuma osulu mpa kha vathi, khinattotthiwe. ²⁴Tivo, anakhotto yahirelana wira: – Nihikhore nlaya nla: naxerrye ehako, nimone onrowa okhala mwanene. Siso yahiraneya yolepiwa, ehimalyale wira: "Awo akawelana ikuwo saka: vano nlaya naka ahaxererya ehako". Anakhotto t'i ralyaya siso.

²⁵Vakhiviru va mwikimanyo wa Yesu, yahikhala ame awe ni munn'aya ame awe ni Maria, mwar'awe Kelopha, ni Maria a oMadala. ²⁶Yesu ahiwona ame awe ni mwixutti uwo amphentawe, akhanlene vamosa n'ame awe. Vano ahahimerya ame awe wira: – Mama, mwan'iny'ubo vo! ²⁷Numala, ahimuhimerya mwixutti ule wira: – Amam'inyu awo vo! Okhuma okathi yole, mwi-

xutti uwo ahiwakhela ame awe Yesu owanny'awe.

Okhwa wa Yesu

(Nwehe-tho Mat. 27:45-56; Mar. 15:33-41; Luk. 23:44-49)

²⁸Numala, asuwelaka wira itthu sothene somaliheriwa, Yesu ahihimya wira: – Nokivila ntthona! Siso ahimaliherya yolepiwa ekina. ²⁹Vavo wahikhala muno wasereye evinagre. Anakhotto yahiku-xa ntapwatta (esponja), yahinaniha ni evinagre, yahittukelela va mutathini, khumroihela mwano mwawe. ³⁰Vano Yesu, valawihalyawe evinagre ele, ahihimya wira: – Sothene somaliheriwa! Numala, ahuramiha muru, khu-khwa.

Nakhotto onihoma mpararini mwa Yesu

³¹Nihiku nle nari namathanu, nihiku n'owehereriwa esabadu. AYuda khiyatthunne wira irutthu s'atthu ale yakhomeliwe sikhale va mwikimanyo nihiku na esabadu, okhala wira esabadu ele nari nihiku nulupale. Tivo, yahinve-

kela Pilato wira arume wuntakasiwa metto s'atthu ale yakhomeliwe, ni okumihiwa mirutthu.³²Anakhotto yahiro-wa, khuntakasa metto s'ale anli yakhomeliwe vamosa ni Yesu.³²Vamphwanyalyaya Yesu, yahona wira ohokhwa: tivo vahamuntalyaya metto. ³⁴Vano, nakhotto mmosa ahi-muhoma mpararini ni nivaka: nananoru mpararini mme yahikhuma ephome ni masi. ³⁵Ole onne t'onihimya, wira nyuwo-tho mwamini. Thiri itthu sinihimywae ti s'ekekhai: owo onnisuwela wira khano-tha. ³⁶Itthu iya sahikhumele-la wira emaliheriwe molumo alepiwe, wira: "Khinnintiwa nikuna nawe, nnakhala nimosa".³⁷Vakina-tho volepiwa wi-ra: "Anonwehexexa yowo amuhommyaya."

Ohihimuwa ni okhumelela Mmahiye muhikhanle murutthu

(Nwehe-tho Mat. 28:1-8; Mar. 16:1-8; Luk. 24:1-12)

20 ¹Nihiku nopajerya na esumana, vasisu, yahinatti oxa sana, Maria a o

Madala ahirowa o mahiye. Vaphiyalyawe, ahona wira nluku nattiyelaniwe mahiye, nahikumihiwa. ²Tivo, ahitthimaka arowa okumana ni Simoni Pedru ni mwixutti mukina, yowo Yesu amphentawe, khwahimerya wira: – Apwiya akuxiwa o mahiye! khansiuwela wixathiwaya. ³Pedru ni mwixutti mukina yahivenya nananoru, erowaka ommahiye. ⁴Owanli yatthimaka vamosa: vano mwixutti mukin'ole ahimuholela Pedru, khukhala muraji ophiya o mahiye. ⁵Ahurama, khuthurumela muhina: ahona esanta yataleleyiyene vathi, khu-hikela-mo. ⁶Simoni Pedru, ahanle ottuli, aphiyakaru, a-hikela mmahiye. Ahona esanta vathi. ⁷Ni nleso nathukaniwaya muru wa Yesu. Nleso nlo khinatakanihiwe ni esanta, masi narokhuniwa ntoko ekhara, nakhala nipuro nya. ⁸Vano mwixutti mukin'ole, apajenre ophiya omahiye, ahiweha ni wupuwela, khwamini. ⁹Tthiri, awixutti yira ehupwenle nle-

lo solepiwa wira: Yesu ahana ohihimuwa mokhwani. ¹⁰Numala itthu iya awixutti ale anli yahihokololowela owani.

***Yesu onisoniherya Maria
a o Madala***

(Nwehe-tho Mat. 28:9-10;
Mar. 16:9-11)

¹¹Vano Maria ari omahiye, mpantte w'ota, khiyanla. Anlaka sisale, ¹²ahithurumela mmahiye, khona malaikha manli, ewanrene ikuwo sottele, ekilanthene vari murutthu wa Yesu, nimosa wamuru, nikina wametto. ¹³Malaikh'ale manli yahimokoha wira: – Muthiyana! Muninlela-ni? Owo ahakhula iraka: – Apwy'aka t'akuxiwe. Nkinsuwela wixathiwaya. ¹⁴Ahimyakaru siso, ahiweha ottuli, khumona Yesu, emenlene vavale: masi khasuwela wira ari Yesu. ¹⁵Yesu ahimukoha wira: – Muthiyana! Munùnlela-ni? Munimphavela pani? Maria, upuwelaka wira ari, mulipa-ematta, ahiwirela: – Napwiya, mwari nyuwo mmukunxe, mukihime-rye omwixanthyanyu, miyo ki-

murowele. ¹⁶Yesu ahimwirela: – Maria! Owo ahirukunuwa, anwehaka Yesu, khumwirela: – Mwixutthi! ¹⁷Yesu ahimwirela: – Muhikivare. Nlelo nkironwe w'Atithi. Vano murowe, mwahimerye amusi aka wira miyo kinrowa w'Atithi, yawo akhanle Atith'inyu: kinrowa wa Muluku aka, yowo okhanle Muluku inyu. ¹⁸Maria a o Madala ahirowa wahimerya ehali awixutti, iraka: – Kowona Apwiya! Khwahimerya sothene samuhimenryawe Yesu.

Yesu onisoniherya awixutti awe

(Nwehe-tho Mat. 28:16-20; Mar. 16:14-18; Luk. 24: 36-49)

¹⁹Nihiku nenlo nopajerya na esumana makaripi, awixutti a Yesu yira ethukumanne mpani, elipihalene mikhora mwha w'owova makhulupale a aYuda. Mikhora siwaliwene sisale, Yesu ahirwa, ahemeila variyari vaya, khwahimerya wira: – Murettele okhale ni nyuwo! ²⁰Ahimyakaru siso, ahiwoniherya matat'awe ni

mpararini mwawe. Awixutti ale yahitteliwa murima, ewonaka Apwiya. ²¹Yesu ahahime-ryatho wira: – Murettele okhale ni nyuwo! Sisale Atithi vakiummyaya, ni miyo kinnoruman ni nyuwo. ²²Ahimyakaru siso, ahiwiselela, khwahimerya wira: – Mwakhele Eroho Yowarya! ²³Ale anarowanyu walevelela itampi, anoleveleliwa: ale anrowanyu ohalevelela, khanleveleliwa.

Tomé onimona Yesu ohihimuwené

²⁴Vano Tomé, ihaniwa Maphapo (Mampsasa), mmosa a yale muloko nanli, khakhanle-vo n'akhw'awe, okathi warwiyawé Yesu. ²⁵Awixutti akina yahimuhimerya wira: – Nowona Apwiya! Vano owo ahiwakhula wira: – Miyo, kahoneru mmatatani mwaya makhwatta mwathoroliwaya, kahikeliheru ekath'aka mmakhwattani mwaya, kahikeliheru ntata naka mpararini mwahomiyawa, nkinamini! ²⁶Evinrene mahiku mathanu na mararu, awixutti ale yahithukumanatho mpani. Tomé ari ni yawo.

Mikhora yahilipihwa. Mikhora siwaliwene sisale, Yesu a-hirwa, ahemela variyari vaya, khwira: – Murettele okhale ni nyuwo! ²⁷Nananoru ahimuhi-merya Tomé wira: – Muruhe va ekath'anyu. Mone mata-t'aka. Mokole ntata nanyu, mukelihe mpararini mwaka. Muhikhale mutthu ohamini: nto mwaminiki! ²⁸Tomé ahimwakhula wira: – Pwiya ni Muluku aka! ²⁹Yesu ahimuhi-merya wira: – Muhamini, ma-na mokona. Oreriwa t'ale anamini ehonne!

Itthu iya silepeliwe wira mwaminiki

³⁰Yesu, awixutti awe emonaka, ahira-tho mitikiniho si-kina sinjene, sihilepiwe eli-vuru ene yela. ³¹Vano itthu iya silepeliwe wira mwaminiki wi Yesu ti Kristu, Mwana a Mu-luku. Mwaminiki siso, munophwanya ekumi mwa Yowo.

Yesu onisoniherya ophareya

21 ¹Evinrene mahiku va-khani, Yesu ahisoni-

herya-tho w'awixutti awe oxe-rexere wa ephareya y'o Ti-beriyade. Ahisonihenrye so: ²Yira ethukamanne Simoni Pedru, ni Tomé - ole ihaniwa Maphapo (Mampasa) – ni Na-tanayeli (ari a elapo y'o Kana w'o Galileya) ni an'awe Sebedeyo, n'awixutti akina anli. ³Simoni Pedru ahahime-rya akhwa'awe wira: – Miyo kinrowa otottha ihopa. Awo yahakhula wira: – Ni hiyano nnimothtarani. Yahivenya tthiri, khukela mukalawani. Vano, o-hiy'ule, khiyavanre ethu. ⁴Vaxiyaya, Yesu ahisoniherya o-phareya: masi, awixutti ale khiyasuwela wira ari yowo. ⁵Yesu ahakoha iraka: – Ami-ravo, movara ihopa? Awo yahimwakhula wira: – Nnari! Khanivanre! ⁶Owo ahahime-rya wira: – Murihele ntthavi mono wolopwana w'ekala-wa: munophwanya weiwo. Yahirihela siso, khuvara iho-pa sinjene, mpakha ohiwerya opurula ntthavi nosareya. ⁷Mwixutti ule aphentexiwa ni Yesu, ahimwirela Pedru: – T'Apwiya! Simoni Pedru, ai-wakaru wira yari Apwiya,

ahiwara ikuwo sawe (mana arorula atothaka), khutuphe-la mmasini. ⁸Awixutti akina, yarakamenle ota mavalo miloko miloko mili, yahirwa mu-kalawani, epurulaka ntthavi n'ihopa. ⁹Vakhumenlyaya o-ta, yahiphwanya ihopa va-khani vaikho, yahona-tho iphau. ¹⁰Yesu ahiwirela: – Mu-ruhe ihopa sivalyanyu nana-no. ¹¹Simoni Pedru ahikela mukalawani, khupurulela ntthavi ota. Ntthavi nle nasan-rye ihopa sulupale miloko muloko ni mithanu n'ihopa ttharu (153). Sarimwattaru siso, ntthavi khinanyumwe.

¹²Yesu ahiwirela: – Rwani, mukhureke! Khavo a awixutti ale amukohale wira: “Nyuko mwa pani?” Yanisuwela wira yari Apwiya. ¹³Vano Yesu ahiwattamel, ahikuxa iphau, khwavaha: siso-tho ahava ihopa.

¹⁴Ela yari emara yaneraru Yesu aisonihenryawe awixutti awe, numala ohihimuwa wawe mw'alipa-okhwa.

Yesu ni Pedru

¹⁵Vamanlyaya olya, Yesu

ahimukoha Simoni Pedru wira: – Nyuko Simoni, mwa-na a Yohani! Munnikiphenta miyo, vovikana vanikiphentaya akin'ala? Owo ahim-wakhula wira: – Ayo, Pwiya! Nyuko mosuwela wira kinnophentani! Yesu ahimwir-ela: – Mulyiheke ipwittipwit-thi aka. ¹⁶Yesu ahimukoha emara yanenli, iraka: – Nyuko Simoni, mwana a Yohani! Nyuko munnikiphenta tthiri? Yowo ahimwakhula wi-ra: – Ayo, Pwiya! Nyuko mosuwela wira kinnophentani. Yesu ahimwirela: – Mulyi-heke ipwittipwithi saka.

¹⁷Ahimukoha-tho emara ya-neraru, iraka: – Nyuko Si-moni, mwana a Yohani! Nyuko munnikiphenta tthiri? Pe-dru ahiripiwa murima mwa-ha w'okohiwa imara ttharu wira “Nyuko munnikiphenta?” Tivo amwakhunlyawe iraka: – Pwiya, nyuko mo-suvela sothene! Nyuko mosuwela wira kinnophentani! Yesu ahimwirela: – Mulyihe-ke ipwittipwithi saka. ¹⁸Miyo kinohimeryani ekekhai wira:

mwaryanyu mmiravo, nyuwo mwaniwara mmansinyu, khiyarowa watthunanyu. Vano okathi onlavulanyu, munimokola matat'inyu, mukina onimowarihani, onimorihani nipuro nihintthunanyu.
¹⁹Yesu ahimuhimerya siso wira amuthonyerye makhwe-lo awe, yawo Pedru arowa-we omuttittimiha-no Muluku. Numala, Yesu ahimwirela Pedru: – Kitthareni!

Yesu ni mwixutti ophentexiwa

²⁰Pedru, arukunuwaka, ahimona mwixutti aphentexiwa ni Yesu, attharaka ottuli. Mwixutti ula ti yole aphitenrye etthirima ya Yesu, okathhi walywa, amukohaka wira: “Pwi-ya, ole onrowa wovarihani ti pani?”²¹Pedru, vamonalyawe, ahimukoha Yesu, iraka: – Pwi-

ya, ankhi ula entthuna omukhumelela exeni? ²²Yesu ahimwakhula wira: – Miyo kattthuna wira owo akhale mpakha vanrwaka, erivo yawinyu exeni? Nyuwo mukitthareke pahi! ²³Vano, vahivuwelela mw'amusi wira mwixutti ule khankhwa. Masi Yesu khahimale wira: “owo khankhwa”. Yesu ahimyale wira: “Miyo kattthuna wira owo akhale mpakha vanrwaka, erivo yawinyu exeni?”²⁴Mwixutti uwo ti yola ori kastimunya a itthu iya, khu-lepa sothene. Hiyo nosuwela wira itthu sinihimywae ti s'e-kekhai.

Omaleliha

²⁵Nlelo sihavo itthu sinjene siralyawe Yesu. Itthu iya sale-piwaka emosa-emosa, kinona wira hata olumwenku wothe-ne khisaphiyerya-mo iluvuru satthuna olepiwa.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA

Translated by Jorge Waite Tacuara with the Greek and former translations diligently compared.



Read booklets online or by App
www.wmp-readonline.org